


關里誌

世家誌
弟子誌

二三

ル 5
1635
2





九 50
16352
2

闕里誌卷之二

世家誌

敘曰孔氏之先遠矣開天啟類肇自有熊胙土錫姓
始於殷商微子分國而繼別嘉爨又吹律而定氏迨夫
子生而上承鼻祖下啟雲孫溯春秋而下歷年三千
奕葉七十說者謂其萬世爲土繼衰周而爲素王不
虛耳其嫡長之胤代膺茅封小者通侯大者元公宗
盟之雋世掌花縣寄命百里兼攝九族襲慶承休寧
有極乎若翰博主沂國之學錄端鱣堂之模族長

舉事稱子姓之祭酒亦代代相衍者余因摭摭國史
叅攷家乘論次而傳列之令纂服者庶幾盛美有彰
而誦法者不患文獻無徵矣南渡之宗越在姑蔑附
於卷末示離祖也作世家誌

毓聖事跡

祖庭廣記云陬大夫叔梁紇初娶曾施氏有九女而
無子其妾生孟皮字伯皮有足疾不任祀事乃求婚
於顏氏顏氏有三女其父問曰陬大夫父祖為卿士
實先聖王之裔今其人身長十尺武力絕倫吾甚貪

之雖年高性嚴不足為疑二子孰能為之妻二子莫
對其幼徵在進曰從父所制將何問焉父曰即爾能
矣遂以妻之一顏氏禱尼丘之山生孔子於魯昌平
鄉陬邑生而首上圜頂因名曰丘字仲尼一先聖未
生時有麒麟吐玉書於闕里其文曰水精之子繼衰
周而為素王顏氏異之以繡紱繫麟之角信宿而去
懷妊十一月生一先聖誕生之夕有二龍繞室五老
降庭五老者五星之精也顏氏之房聞鈞天之樂空
中有聲云天感生聖子故降以和樂之音一先聖生

有異質九四十九表反首注面月角日準河日海口
 龍頰斗唇昌顏均頤輔喉駢齒龍形龜脊虎掌胼脇
 修肱參膺巧頂山臍林背翼臂注頭阜腴堤眉地足
 谷竅雷聲澤腹修上趨下末僂後耳面如蒙俱手垂
 過膝耳垂珠庭眉一十二彩目六十四理立如鳳峙
 坐如龍蹲手握天文足履度宇望之如什就之如升
 視若營四海躬履謙讓胸有文曰制作定世符身長
 九尺六寸腰大十圍

姓譜

先聖孔子黃帝之後也黃帝生玄覽鬻生螭極極生
 帝學學生契唐堯之臣佐禹治水有功始封于商賜
 姓子是為子姓之祖契生昭明明生相土土生昌若
 若生曹圉圉生冥冥生振振生微微生報丁丁生報
 乙乙生報丙丙生壬壬生壬生壬癸癸生天乙是為成
 湯革夏而有天下乙生太丁丁生太甲甲生太庚庚
 生太戊戊生河亶甲甲生祖乙乙生祖辛辛生祖丁
 丁生小乙乙生武丁丁生祖甲甲生庚丁丁生武乙
 乙生太丁丁生帝乙當周武王克商時封帝乙之子

微子啓國于宋以奉湯祀啓卒傳弟思衍號曰微仲
 仲生宋公稽稽生丁公申申生湑公熙熙生弗父何
 遜國於弟厲公何世爲宋卿何生宋父周周生世父
 勝勝生正考父三命益共又得商頌于周太師歸以
 祀其先王考父生孔父嘉五世親盡別爲公族始以
 孔爲氏焉一曰孔父生嘉時賜姓也嘉生木金父父生罍夷夷生
 防叔避華氏之禍奔魯防叔生伯夏夏生叔梁紇紇
 生先聖孔子一當春秋時有三孔鄭有孔張鄭公族姬姓也
 衛有孔達傳孔圍孔惟非姬姓亦非子姓蓋姓同而族異也獨子姓

孔氏始於宋徙於魯遂世爲魯人云

年表

周靈王二十一年

魯襄公二十二年

夫子生

按夫子生于十月庚子即今之八月二十七日也

靈王二十三年

襄公二十四年

夫子年三歲聖父叔梁紇卒

葬於魯東防山

于慎行曰史記孔子疑其父墓處母諱之也索隱以爲必寡不從遂葬不知墓處此皆揣摩之見無所考據胡不以孔子之言斷之曰古不修墓是也不封不樹二十餘年或不可考矣

靈王二十六年

襄公二十七年

夫子年六歲爲兒嬉嘗陳俎

豆設禮容

景王四年昭公元年是年昭公即位夫子年十一歲在魯

景王八年昭公五年夫子年十五歲子曰吾十有五而志於學

景王十年昭公七年夫子年十七歲是年魯大夫孟釐子從公適楚病不能相

禮歸乃講學之誠其嗣懿子曰禮人之幹也無禮無以立孔子立聖人之後吾聞聖人之後若不當世后必有達者今孔子立年少好禮其達者與吾即沒若必師之及釐子卒懿子與魯人南宮敬叔往學焉一按往學禮在昭二十年

景王十二年昭公九年夫子年十九歲在魯娶於宋元官

氏

景王十三年昭公十年是歲夫子初仕於魯為委吏料量

蕃息子鯉生適昭公以鯉魚賜夫子榮君之貺故名鯉字伯魚

景王十五年昭公十二年夫子年二十一歲始教於闕里

顏路之徒皆受學焉

景王十七年昭公十四年夫子年二十四歲在魯聖母顏

氏卒孔子少孤不知父墓殯之五父之衢陬人曼父之母誨孔子父墓處然後合葬於防曰吾聞之

古也墓而不墳丘也東西南北之人也不可弗識也於是封之崇四尺孔子先返門人後再甚至孔子問焉曰爾來何遲也曰防墓崩孔子泣然涕曰吾聞之古不修墓一按家語孔子生三歲而叔梁紇卒是必孤也然顏氏之卒夫子成立矣聖人人倫之至豈有終母之世不知父葬地者乎且母死而殯於衢

路必無室廬而死於道路者不得已之為耳聖人禮法之宗主而忍為乏乎馬遷為野合之誣謂顏氏譏而不善鄭註因乏以滋後世之惑其妄甚矣一舊志孔子年十六歲聖母卒今從歷聘紀年列在此

景王十九年

昭公十年

夫子年二十六歲

母喪既祥五日彈琴而不

成聲十日而成笙歌

景王二十年

昭公十一年

夫子年二十七歲問官於郊子

郊子來朝公與之宴叔孫昭子問官仲尼聞之見郊子而學焉既而告人曰天子失官學在四夷猶信

景王二十二年

昭公十二年

夫子年二十九歲聞師襄善

琴往學焉

襄子曰吾雖以擊磬為官然能於琴學之矣孔子曰丘已習其曲未得其數也有間曰已習其數可以益矣孔子曰丘未得其志也有間曰已習其

志可以益矣孔子曰丘未得其為人也有間曰有所穆然深思焉有所怡然高望而遠志焉曰丘得其為入矣黯然而黑頎然而長眼如望羊如王四國非文主其孰能為此也襄子避席再拜曰吾子聖人也蓋文王操焉

志可以益矣孔子曰丘未得其為人也有間曰有所穆然深思焉有所怡然高望而遠志焉曰丘得其為入矣黯然而黑頎然而長眼如望羊如王四國非文主其孰能為此也襄子避席再拜曰吾子聖人也蓋文王操焉

景王二十三年

昭公十三年

夫子年三十歲齊景公適魯

求見孔子

景公舍於公館使晏嬰迎孔子孔子至景公問政晏子曰政在節財公悅又問曰昔秦穆公國小小處僻其霸何也孔子曰秦國雖小其志大其處雖僻而其政中其舉也果其謀也和法無私而令不渝首拔五殺爵之大夫與語三日授之以政以此取之雖王可也其霸小矣景公曰善哉

景王二十五年

昭公十四年

夫子年三十二歲是年景王

崩敬王立

齊景公欲以廩丘之邑為孔子養辭不受謂弟子曰吾聞之君子當有功受賞今吾

楊任

言而君不行乃先賜邑其不知丘亦甚矣

敬王二年

昭公二十一年

夫子年三十四歲適周問禮

謂南

宮敬叔曰吾聞周有老聃博古知今通禮樂之原明
道德之歸則吾師也今將往矣二子歸告昭公公賜
之車馬特御與敬叔俱適周問禮於老聃訪樂於萇
弘歷知社之所考明堂之則察廟朝之度孔子喟然
嘆曰吾乃知周公之聖與周之所以王也一孔子觀
乎明堂觀四門墉有堯舜桀紂之象又有周公抱成
王負斧辰朝諸侯之圖謂從者曰夫明鏡所以察形
往古所以知今又入后稷廟有金人三緘其口而銘
其背曰古之慎言人也誠之哉無多言多言多敗顧
謂弟子曰小子識之此言實而中情而信一孔子去
周老聃送之曰富貴者送人以財仁人者送人以言
吾不能富貴竊仁人之號以言送子聰明深察而近
于死者好譏議人者也博辯弘遠而危其身者好發
人之惡者也為人子者毋以有己為人臣者毋以有

己歸而求之於身則道不遠矣子曰敬養教自周返
於魯而道益尊弟子彌眾至遠方受業者蓋三千焉
一孔子訪學于萇弘弘私謂劉文公曰吾觀仲尼有
聖人之表河目而龍顏黃帝之形貌也修肱而龜背
長九尺六寸成湯之形體也言必稱先王躬履謙讓
洽聞強記博物而不窮其聖人之興者乎

敬王三年

昭公二十五年

夫子年三十五歲昭公出奔孔子

適齊 孔子見景公景公讓登孔子降一等景公三辭
然後登既坐曰夫子降德厚臨寡人寡人以為
榮也而降階以遠自絕於寡人未知所以為罪孔子
對曰君患顧外臣君之賜也然以匹夫敵國君非所
敢行也雖君賜之其義若何一孔子在齊舍於外館
景公造馬賓主之使既接而左右白曰周使適至言
先王廟災景公復問災何王之廟也孔子曰必釐王
之廟公曰何以知之曰釐王變文武之制而作玄黃
華麗之飾宮室崇峻與馬奢侈而弗可振故天殃加
其廟焉俄頃果報釐王廟災景公驚起再拜曰善哉

聖人之智過人遠矣一千慎行曰史記世家孔子適齊為高昭子家臣欲以通乎景公此殆妄也景公適魯就見夫子及夫子至齊景公分庭讓登其禮亦甚隆矣何待為國卿之臣以自通乎夫不仕三家而仕他國之卿其非聖人所為明矣故曰妄也

敬王五年

昭公二十七年

夫子在齊

與齊太師語樂聞韶學之三月不知肉味齊人

稱之景公問政於孔子對曰君君臣臣父父子子時大夫田氏厚施以奪其民公多內嬖而不立太子故夫子及之景公雖善其言竟不能行

敬王十年

昭公三十二年

夫子年四十一歲是歲昭公薨於

乾侯孔子自齊返魯

景公將以尼谿田封孔子晏嬰不可曰夫儒者滑稽而不可以

為軟法倨傲自順不可以為下崇喪遂衰破產厚葬不可以為俗游說乞貸不可以為國自大賢之息周

室既衰禮樂缺有間矣今孔子盛容節繁於降之禮詳趨走之節累世不能殫其學當年不能究其禮君欲用之以移齊俗非所以先細民也異日止孔子曰奉孔子以季氏吾不能以季孟之間待之曰吾老矣不能用也孔子遂行返於魯一按歷聘總年三十五歲適齊留七年又去適周與此不同

敬王十一年

定公元年

是年定公即位夫子在魯

季氏強僭陽虎

專政夫子不仕退修詩書禮樂

敬王十四年

定公四年

夫子在魯

觀於魯桓公之廟有歌器焉問於守廟者此何

器對曰此宥坐之器孔子曰吾聞宥坐之器虛則欹中則正滿則覆明君以為至誠故常置之座側顧謂弟子曰試注水焉乃注水中則正滿則覆夫子喟然嘆曰嗚呼夫物惡有滿而不覆者哉子路進曰敢問持滿有道乎子曰聰明睿知守之以愚功被天下守之以讓勇力振世守之以怯富有四海守之以謙此

所謂損之又損之道也

敬王十五年定公五年夫子年四十七歲初仕為中都宰

是歲季桓子立孔子為中都宰制為養生送死之節長幼異食強弱異任男女別途路不

裕遺器不雕偽市不貳價四寸之棺三寸之槨因丘陵為賈不封不樹行之一年而四方則之公謂孔子曰學乎此法以治魯國何如孔子對曰雖天下可也是歲季平子卒陽虎將以君之璠璣斂贈以珠玉孔子聞之而救焉曰送死而以寶玉是猶暴尸于中原也且孝子不順情以危親忠臣不兆奸以陷君乃止一桓子穿井七年中得狗問于孔子答曰以丘所聞羊也丘聞之木石之性夔罔蝮水之性龍罔象土之性鑽羊

敬王十七年定公七年夫子年四十九歲進位司空乃別

之性物各得其所生之宜

敬王十八年定公八年公山弗狃因陽虎為亂陽虎執季

桓子季氏召夫子按史記載公山弗狃以費叛季氏使人召孔子孔子循道彌久莫能

已用曰蓋文武起豐鎬而王今費雖小倘庶幾乎欲往于路止之子曰夫召我者豈徒哉如用我其東周乎然亦卒不行此語附會論語詞多矛盾及以家語考之孔子以定公五年初為中都宰二年進為司空已而進為司寇攝行相事則弗狃之畔正孔子仕魯之時也史記載弗狃之召於定公九年而以中都司空司寇皆序於九年之後十年即會夾谷是夫子於半歲之中即歷數官也其舛甚矣故紀公山之事於是年以備互見云

敬王十九年定公九年夫子年五十一歲為魯司寇斷獄

訟必平允誅亂政大夫少正卯於兩觀之下

初孔子為大司

寇設法而不用國無奸民時有父子訟者夫子同往執之三月不別其父請止夫子赦之季孫聞之不悅曰戮一不孝以教民孝不亦可乎冉有以告夫子喟然嘆曰嗚呼上失其道而殺其下非禮也不教以孝而聽其獄是殺不辜也三軍大敗不可斬也獄狂不而聽其獄也何也上教不行罪不在民故也夫慢令謹誅賊也徵斂無時暴也不誠責成虐也政無此三者然後刑可即也一孔子為魯司寇攝朝政七日而誅亂政大夫少正卯子貢曰夫少正卯魯之聞人也今夫子為政而始誅之或者為失乎孔子曰天下有大惡五而盜竊不與焉心逆而險行僞而望言偽而辯記醜而博順非而澤五者有三於此則不免於君子之誅而少正卯兼有之其居處足以擷徒成黨其談說足以飾褻榮眾其強禦足以反是獨立此乃人之奸雄者也不可以不除一孔子為大司寇國人謗之曰麇裘無鞞投之無戾鞞之麇裘投之無郵既而

政化大行魯有販羊者沈猶氏常朝飲羊以詐市人公慎氏妻淫不制慎潰氏奢侈踰法鬻六畜者飾偽以儲價及是則沈猶氏不敢飲羊公慎氏出其妻慎潰氏越境而徙三月鬻牛馬者不儲價賣羔豚者不加飾男女別途耕者遜畔行者遜路道不拾遺男尚忠正女尚柔順四方客至如歸國人誦之曰衮衣車甫實獲我所章甫衮衣惠我無私一初季孫荒昭公墓道之南孔子為司寇溝而合諸墓謂季桓子曰貶君以彰已罪非禮也合之所以掩夫子之不臣

敬王二十年

定公十年

夫子年五十二歲是歲齊魯會於

夾谷孔子攝相事齊人歸汶陽龜陰之田

齊大夫黎鉏言于景

公曰魯用孔丘其勢危齊乃使使告魯魯為好會會於夾谷定公將以乘車好往孔子攝相事曰臣聞有文事者必有武備有武事者必有文備古者諸侯出疆具官以從請具左右司馬定公曰諾具左右司馬黎

鉏言于齊侯曰孔子好禮而無勇若使萊人以兵劫之可以得志齊侯從之會于夾谷為壇位土階三等以會遇之禮相見揖讓而登獻酬之禮畢齊有司趨進曰請奏四方之樂景公曰諾於是於旄羽被矛戟劔撥鼓譟而至孔子歷階而進不盡一等以公退乃舉袂而言曰吾兩君為好會裔夷之俘以兵亂之非齊君所以令諸侯也且裔不謀夏夷不亂華夷不干盟兵不逼好于神為不祥于德為愆義于人為失禮君心不然請命有司景公心怍麾而避之有頃齊人請奏宮中之樂齊侯曰諾倡優侏儒為戲而前孔子趨而進階階而升不盡一等曰匹夫而榮惑諸侯者罪當誅請右司馬加刑焉於是斬侏儒齊侯懼而色動知義不若將盟齊人加載書曰齊師出境而不以田車三百乘從我者有如此此盟孔子使茲無還揖對曰而不返我汶陽之田吾以佚命者亦如之齊侯將享公孔子謂梁丘據曰齊魯之故于何不聞焉事既成矣而又享之是勤執事也且犧象不出門嘉樂不野合合而既具是棄禮也若其不真用糝稗也用糝

糝君辱棄禮名惡于盍圖之夫享所以昭德不昭不如其已乃不果享齊侯歸而大怨責其群臣曰魯以君子之道輔其君子獨以夷狄之道教寡人使得罪魯君為之奈何有司進曰君子有過則謝以質小人

有過則謝以文君若憚之則謝以質乃歸所侵魯鄆

敬王二十二年定公十一年夫子年五十四歲是歲魯墮

三都齊人歸女樂夫子去魯孔子言于定公曰臣聞

之城古之制也今三家過制請損之使仲由為季氏宰墮三都強公室叔孫氏先墮邱季氏將墮費公山不佞輒率費人襲魯公與三子入于季氏之宮登武子之臺費人攻之弗克入及公側孔子命申句須樂頡下伐之費人北國人追之敗之姑蔑二子奔齊遂墮費將墮成公斂處父謂孟孫曰墮成齊人必至于北門且成孟氏之保障也無成是無孟氏也子偽不知我將弗墮魯人圍之不克一家語孔子相齊齊人

患其將霸欲敗其政乃選好女子八十人衣以文飾而舞容璣及艾馬四十駟以遺魯君陳之魯臯門之外季桓子微服往觀再三將受焉乃告魯君為周道遊觀觀之終日怠于政事子路曰夫子可以行矣子曰魯今且郊若致膳於大夫是則未廢其常吾猶可以止也桓子既受齊女樂君臣淫荒三日不聽國政郊又不致膳迫孔子遂行宿於郭屯師已途之曰夫子非罪也孔子曰吾歌可乎歌曰彼婦之口可以出走彼婦之謂可以死敗蓋優哉游哉維以卒歲師已返桓子曰孔子亦何言師已以告桓子唱然嘆曰夫子罪我以群婢故也於是孔子去魯作猗蘭之操

敬王二十三年

定公十三年

夫子至衛已而去衛適曹適

宋適鄭遂至於陳

孔子適衛居十月去衛適宋匡人簡子以甲士圍之子路怒奮戟將與之戰孔子止之使子路彈琴而歌孔子和之曲三終匡人解甲而罷然後得去一孔子既解匡圍去即

過蒲月餘返衛主蘧伯玉家夫人南子欲見孔子曰四方君子之辱與寡君為兄弟必見寡小君寡小君願見夫子孔子辭謝不得已而見之夫人居絺帷中孔子入門北面稽首夫人自帷中再拜環珮玉聲瑤然孔子曰吾鄉為不見見之禮答焉居衛月餘靈公與夫人同車宦者雍渠參乘招搖市過之孔子醜之曰吾未見好德如好色者也去衛適曹已而自曹適采孔子在宋與弟子習禮大樹下司馬桓魋欲害孔子桓魋其樹孔子去弟子曰可以速矣子曰天生德於予桓魋其如予何自宋適鄭與弟子相失獨立鄭東門外或謂子貢曰東門有人焉其長有九尺六寸河目龍頰其頭似堯其頰似臯陶其肩類于蓬自腰以下不及禹三寸纍纍然似喪家之狗子貢以告子曰形狀未也而似喪家之狗然哉其年至陳主司城貞子

敬王二十六年

哀公元年

夫子在陳

國語孔子在陳惠公賓之於上館有飛隼

集于陳庭而死楛矢貫之石罅矢長尺有咫公使人以隼如仲尼之館問之仲尼曰隼之來也遠矣此肅慎氏之矢也昔武王克商通于九夷百蠻使各以其方賄來貢使無忘職業於是肅慎氏貢楛矢石罅其長尺有咫先王欲昭其令德之致遠也以示後人使來監焉銘其括曰肅慎氏之貢矢以分大姬配虞胡公而封諸陳古者分同姓以珍玉展親也分異姓以遠方之職貢使無忘服也故分陳以肅慎氏之貢君若使有司求之故府其可得也使來得之金楛如

敬王二十七年

哀公二年

夫子年五十九歲自陳反衛自

衛如晉及河而還復居於衛

孔子居陳三歲會晉楚爭強更伐陳吳亦侵陳

陳數被寇於是去陳過蒲會公叔氏以蒲畔止孔子弟子公良孺為人長賢有勇力以私車五乘從將與之戰蒲人懼曰苟無適衛吾則出子以盟孔子出之東門適衛子貢曰盟可負乎子曰要我以盟非義也

一時趙簡子攻范中行氏伐中牟佛肸為宰以中牟畔使召孔子孔子欲往子路不悅已而竟不果行一家語孔子自衛將如晉至河趙簡子殺寶鳴犢及舜華乃臨河而嘆曰美哉水洋洋乎吾之不濟此命也子貢進曰敢問何謂也子曰寶鳴犢舜華晉之賢大夫也趙氏未得志之時須此二人而從政得志而殺之丘聞之也刻胎殺天則麒麟不至其郊竭澤涸魚則蛟龍不處其淵覆巢毀卵則鳳凰不翔其邑何也君子謹傷其類也鳥獸之於不義尚知避之况于人乎乃還息于陬作鄆操以哀之遂反乎衛復主蘧伯玉家衛靈公問陳子曰軍旅之事未之學也他日又與孔子語見蜚鴈過仰而視之色不悅孔子遂行復如陳是歲衛靈公卒出公輒立趙簡子納太子蒯聩于戚

敬王二十八年

哀公三年

夫子年六十歲在陳

陳侯起陵陽之臺

畢殺數人問孔子曰周作靈臺亦殺人乎對曰靈臺以子道來何殺人之有遂罷一秋季桓子病輦而觀

魯城喟然嘆曰昔此國幾興矣以吾獲罪於孔子故不興也顧謂其嗣康子曰我即死若必相魯相魯必召神尼桓子卒康子立欲召神尼公之魚曰昔吾先君用之不終為諸侯笑今又用之倘不能終是又為諸侯笑康子曰誰召而可曰召再求於是使使召再求

敬王二十九年哀公四年夫子自陳如蔡

敬王三十年哀公五年夫子自蔡如葉葉公問政子告之曰政在來遠而附

邇自葉反乎蔡長沮桀溺耦而耕孔子以為隱者使子路問津焉

敬王三十一年哀公六年夫子在陳年六十二歲楚昭王

聘夫子夫子如楚厄於陳蔡至楚復反於衛楚昭來聘陳蔡大夫謀曰孔子所譏刺皆中諸侯之病用於楚則陳蔡危矣乃發徒役圍于野從者病子路愠見夫子曰

芝蘭生于深林不以無人而不芳君子修道立德不以窮困改節為者人也生死命也昭王與師迎孔子然後免一時楚昭王渡江有物觸王舟使復問孔子孔子曰此萍實也其甘如蜜使曰何以知之子曰吾昔之鄭過乎陳之野聞小兒誑曰楚王過江得萍實大如斗赤如日剖而食之其甘如蜜得無是乎一楚昭王欲以書社地封孔子令尹子西止之孔子反于衛

敬王三十二年哀公七年夫子在衛時蒯聵入戚蒯聵之國而孔子弟子多仕衛衛君亦欲得孔子為政孔子既至衛子路曰衛君待子而為政子將奚先子曰必也正名乎

敬王三十四年哀公九年夫子年六十六歲夫人元官氏

卒期年伯魚猶哭孔子聞之曰誰與門人曰鯉也子曰噫其甚也伯魚聞之遂除之

敬王三十六年哀公十一年夫子年六十八歲魯使人迎

夫子夫子自衛反魯冉有為季氏將與齊戰于郎克之康子曰子之軍旅學之乎性

乏乎冉有曰學之仲尼因謂季康子曰國有聖人而不能
用欲以求治得乎今孔子在衛衛人將用之已
有材而資敵國難以言智也然求之不以道雖累干
社夫子不欲也康子曰我欲召之可乎對曰欲召之
則無以小人間之斯可矣康子遂使公華公賓公林
以幣迎孔子魯衛文子將攻太叔疾訪于孔子孔子
不對命駕而行曰鳥則擇木木豈能擇鳥乃歸魯作
丘陵之歌蓋孔子去魯凡十四年而返一孔子至魯
哀公館馬公自阼階孔子對曰丘少居魯衣縫掖之衣長
居宋冠章甫之冠丘聞之也君子之學也博其服以
鄉丘未知其為儒服也公曰敢問儒行孔子曰略言
之則不能終悉言之則留更僕未可以對哀公命席
孔子侍坐悉陳儒行哀公曰終沒吾世不敢復以儒

為戲矣一哀公問曰寡人生于深宮之中長于嬖人
之手未嘗知哀未嘗知憂未嘗知勞未嘗知懼未嘗
知危子曰公入廟門而右登自阼階仰觀椽桷俯視
几筵其器皆存而不覩其人以此思哀則哀可知矣
昧爽夙興正其衣冠平旦視朝慮其危難一物失理
亂亡之端以此思憂則憂可知矣日出聽政至于日
中是諸侯子孫往來如賓行禮揖讓慎其威儀以此
思勞則勞可知矣緬然長思出于四門張目望遠觀
亡國之墟必將有數焉以此思懼則懼可知矣夫君
者舟也民者水也水能載舟亦能覆舟以此思危則
危可知矣君明此五者於從治何有一孔子適季孫
季孫之宰通曰君使人假馬與之乎季孫未言孔子
曰吾聞之君取於臣謂之取與於臣謂之賜臣取於
君謂之假予於君謂之獻季孫悟命其宰曰自今以
往君有取謂之取無曰假故孔子一正假馬之言而
君臣之義定然魯終不能用孔子孔子亦不求仕

敬王三十七年哀公十二年夫子在魯子伯魚卒夏五月昭夫人

孟子卒夫子往弔馬適季氏不經夫子投經而不拜

子游曰禮與夫子曰主未成服則弔者不經禮也

敬王三十九年哀公十四年夫子年七十一歲春西狩獲

麟家語叔孫氏之車士曰鉏商采薪於大野獲麟焉

折其前左足載以歸叔孫以為不祥棄之郭外使

人告孔子曰有麇而角者何也孔子往觀之曰麟也

胡為乎來哉胡為乎來哉反袂拭面涕泣沾衿叔孫

聞之然後取之子貢曰夫子何泣爾孔子曰麟之至

為明王也出非其時而見害吾是以傷之乃歌曰唐

虞世兮麟鳳遊今非其時來何求麟兮麟兮我心憂

一自周室微詩書禮樂壞孔子乃討論墳典追述三

王之禮序書傳上紀唐虞之際下論秦穆編次其事

為百篇古者詩三百餘篇及至天子刪其重復取可

施于禮義上采契稷中述商周之盛下至幽厲之缺

始于衽席以關雎為風始鹿鳴為小雅始文王為大

雅始清廟為頌始凡三百篇孔子皆絃歌之以求合

於韶武雅頌之音以備王道成六藝子曰吾自衛反

魯然後樂正雅頌各得其所乃追述三代之禮曰夏

禮吾能言之杞不足徵也殷禮吾能言言之宋不足徵

也足則吾能徵之矣觀夏商所損益曰後雖百世可

知也以一文一質周監二代郁郁乎文哉吾從周禮

樂自此可得而述矣夫子晚而喜易乃序彖象象說

卦文言作十翼以贊易道讀易韋編三絕曰假我數

年我于易則彬彬矣孔子以詩書禮樂教弟子蓋三

千馬身通六藝者七十有七人皆異能之士也及西

狩獲麟乃因魯史舊文作春秋上自隱公下迄哀公

十四年舉十一公據魯親周繩之以文武之道成一

楊仕

于河陽推此類以繩當世貶損之義後有王者舉而

聞之春秋之義行則天下亂臣賊子懼焉夫子在位

聽訟文辭有可與人共者弗獨有焉至為春秋筆則

筆削則削子貢之徒不能贊一辭傷周道之不興感

嘉瑞之無應遂絕筆焉孔子修述六經既成齋戒向

楊仕

跪而受之。一。周太史子輿適魯見夫子而言道。子輿悅曰。吾鄙人聞子之名。久矣。未覩子之形。乃今而後知。泰山之為高。淵海之為大。惜乎夫子不逢明王。道德不加于民。而將垂寶以貽後世。退謂南宮敬叔曰。孔子先聖之嗣。自弗父何以來。世有明德。天所祚也。成湯以武德王天下。其配在文。殷宗以下。未始有也。夫子生于衰周。先王典籍散亂。無紀而乃論百家之遺記。考正其義。祖述堯舜。憲章文武。刪詩述書。定禮理樂。制作春秋。贊明易道。其文德著矣。凡所教誨。三千餘人。或者天將欲興素王乎。何其盛也。敬叔曰。殆如吾子之言。吾聞聖人之後。非繼世之統。必有興焉。孔子之道至矣。將施于無窮。雖欲辭天之祚。固未得耳。子貢以二子之言告夫子。夫子曰。豈若是哉。亂而治之。滯而起之。自吾志也。天何與焉。一。左傳是歲齊陳恒弑其君。亡於舒州。孔子三日齋而請伐齊。三。公曰。魯為齊弱。又矣。子之伐之。將若之何。對曰。陳恒弑其君。民之不與者。半以魯之眾加齊之半。可克也。公曰。子告季孫。孔子辭退。而告人曰。以吾從大夫之後。故不敢不告。

敬王四十一年

哀公十一年

是歲夫子卒年七十三歲

夏

月孔子病。早作。負手曳杖。逍遙於門。因嘆而歌。歌曰。泰山其頽乎。梁木其摧乎。哲人其萎乎。既歌而入。當戶而坐。子貢聞之曰。泰山其頽。則吾將安仰。梁木其摧。則吾將安仗。哲人其萎。則吾將安放。夫子殆將病也。遂趨而入。子曰。賜爾來。何遲也。子疇昔之夜。夢坐奠于兩楹之間。蓋夏后氏殯于東階之上。則猶在阼也。殷人殯于兩楹之間。則與賓客夾之也。周人殯于西階之上。則猶賓之也。而丘也殷人也。夫明王不作。則天下莫能宗子。子殆將死矣。寢疾七日而終。魯哀公諫之曰。昊天不弔。不憖遺一老。俾屏予一人。以在位。執綏。予在疚。嗚呼。哀哉。尼父無自。肆乃仍。孔子堂第。為廟。俾百戶守之。一。夫子之喪。公西赤掌喪。馬兼用。三代之禮。以尊師。且備古也。葬于魯城北泗上。封高四尺。形如負斧。泗水為之却流。一。有自燕來觀者。舍

我全吾九八

諸子夏氏子夏曰聖人之葬人與人之葬聖人也子何觀焉一門人疑所服子貢曰昔者夫子之喪顏淵如喪子而無服喪于路亦然請喪夫子如喪父而無服皆心喪三年群居則經出則否喪畢門人治任將歸人揖于子貢相嚮而哭各盡哀復留惟子貢築室墓右凡六年然後歸弟子及魯人往從塚而家者百有餘室因命曰孔里

宗子世紀

二代鯉字伯魚

生於周景王十三年為魯昭公之十年也生時適昭公賜之二鯉魚孔子榮君之賜因以名其子而字曰伯魚早聞過庭之訓既長魯哀公以幣召稱疾不行年五十先聖祖卒子伯

三代伋字子思

逮事聖祖而受業於曾子傳於孟子其學獨得其宗嘗著書四十九篇今存者惟中庸魯繆公亟見於子思欲以為國相時臣皆世襲淫寵相傾不以德訓乃嘆曰若為相而不得行吾

道相之恥也遂不受且告繆公曰臣聞君子猶鳥也擬之則舉矣乃適衛值懸子問禮曾申問曰何以不仕子思曰道伸吾願也今天下諸侯其孰能哉與其屈已以富貴不如抗志而貧賤在衛貧甚而自若緼袍無裏三旬九食田子方遺以狐白裘不受已而反魯教授其徒數百人年百餘歲卒史記作六十一子

四代白字子上

請所習於子思子思曰先人有訓焉學必由聖所以致其才也礪必由砥所以致其力也故夫子之教必始於詩書而終於禮樂雜說不與焉子思在魯以書如魏問白曰北回再拜受書伏讀遂為復書又北回再拜以授使者其恭如此齊威王召為國相不受再召亦不受年四十九卒子

五代求字子家

楚召不受年四十五卒子箕

六代箕字子京

為魏相年四十六卒子穿

七代穿字子高

楚魏趙三國交聘不就著儒家之語十篇名曰讜言年五十一卒子謙

八代謙字子順

仕魏為安釐王相改屢寵之官以事賢不悅相魏九月以病致任遂寢於家嘗曰今秦有吞

天下之心不出二十年天下其盡為秦乎秦莊襄王召不行魏以孔子後封魯文信君年五十七卒子三鮒騰樹一孔叢子云家之族胤一子相承以至九世始有子子馬

九代鮒字子魚

史記作甲該通六藝始皇併天下召為魯國文通君拜必傳三十四年丞相李

斯始議焚書鮒與弟騰藏其家語論語尚書孝經等於祖堂舊壁中自隱於嵩山教弟子百餘人後陳涉為楚王聘為太傅元仕六月託疾而退卒於陳下年五十七著書二十餘篇名曰孔叢子子隨字元路

傳至王統和元年詔曰蓋聞王者必存三王之後所以通二統也昔成湯受命列為二代而祭祀廢絕考求其後莫正孔吉其卦吉為紹嘉侯以承殷後六月進爵為公地方百里建武十三年復封宋公以為漢賓位三公上吉生何齊何齊生安皆襲封宋公嗣絕

騰字子襄

鮒之弟也身長九尺六寸漢高帝過魯封為奉嗣君以奉孔子祀後為惠帝博士遷

長沙太守年五十七卒子忠一按封孔子後裔奉祀始此

十代忠字子貞

有高尚之志徵為博士封襄城侯年五十七卒子武安國

十一代武字子威

為文帝博士至臨淮太守早世卒子延年

十二代延年

博覽群書武帝時為博士轉少傅遷大將軍年七十七卒子霸

十三代霸字次孺

幼有奇才昭帝時為博士宣帝時以太中大夫授皇太子經遷詹事為高

密相元帝即位拜太師賜爵關內侯食邑八百戶號
褒成君給事中賜黃金二百斤宅一區徙名數于長
安為人謙退嘗稱位祿太過何德以堪之帝欲致之
相位讓至三四帝知其誠乃止霸上書求奉先聖祭
詔令以所食邑祀孔子還子福名數于魯年七十二
卒于第帝素服臨弔者再至賜東園秘器錢帛策贈
列侯謚曰烈子四福捷喜光

十四代福

襲封關內侯年六十三卒子房

十五代房

哀帝時襲封關內侯食邑八百戶子均

十六代均字長平

初名莽避王莽改今名敦篤好學有
大才襲封關內侯徵拜尚書郎言辭
清辨奏對成童平帝元始元年改封褒成侯食邑一
千戶五年王莽篡位拜太尉不就三辭疾乃得還年
八十一卒子志一按自漢高以來雖以聖裔寵異之
猶未襲封也至十二代霸封關內侯傳平四代福

五代房俱嗣侯雖襲封矣猶稱關內侯是為尊帝
而封也至平帝始改封均為褒成侯則專為奉先聖
而封矣自是封爵世世不絕云

十七代志字光武

初拜大司馬建武十四年襲封褒成
侯食邑二千戶卒謚元成子損

十八代損字君益

明帝永平十五年襲封褒成侯章帝
元和二年東巡狩詔褒成侯助祭和
帝永元四年改封褒亭侯食邑一千戶子曜

十九代曜字君曜

襲封褒亭侯子二完讚

二十代完

襲封褒亭侯早卒無子以弟讚之子羨襲封

二十一代羨字子餘

魏黃初元年拜議郎改封宗聖侯
以魯縣百戶奉祀子震

二十二代震字伯起

晉武帝泰始三年改封奉聖亭侯
拜太常卿黃門侍郎食邑二千戶

年七十五卒子崇

二十三代嶷字功成

襲封奉聖亭侯食邑二千戶年五十七卒子撫

二十四代撫

舉孝廉辟太尉掾襲封奉聖亭侯為豫章太守實食封一千戶子懿

二十五代懿

襲封奉聖亭侯從事中郎食邑一千戶年六十一卒子鮮

二十六代鮮字鮮之

恢廓大度好學善誨人宋文帝元嘉十九年襲封奉聖亭侯改封崇

聖侯子乘

二十七代乘

博學有才後魏舉孝廉文帝延興二年封崇聖大夫食邑五百戶子靈珍

二十八代靈珍

授秘書郎孝文帝太和十九年仍封崇聖侯食邑一千戶子文泰

二十九代文泰

襲封崇聖侯食邑一千戶年五十八卒子渠

三十代渠

襲封崇聖侯北齊天保元年改封恭聖侯後周大象二年改封鄒國公食邑一千戶子長

孫

三十一代長孫

周武帝宣政元年襲封鄒國公食邑一千戶年六十四卒子二英哲嗣哲

三十二代英哲

陳光大元年改封奉聖侯卒無子以弟嗣哲承襲

嗣哲

隋文帝初應制登科授涇州司兵參軍遷太子通事舍人太業四年改封紹聖侯食邑一千戶

子德倫

三十三代德倫

唐高祖武德九年改封褒聖侯太宗貞觀十一年詔朝會位同三品食邑一千

戶天授元年賜秘書及時服年七十一卒子崇基一按此後世詔孔氏子孫朝會之始

三十四代崇基

中宗嗣聖十一年襲封褒聖侯神龍元年制授朝散大夫陪祭朝會年五十六

卒子、璩之
卷之二
五百

三十五代璩之字歲暉玄宗開元五年襲封褒聖侯特授四門博士郡王府文學蔡州

長史二十七年改封文宣公除兖州長史遷都水使者食邑一千戶子萱

三十六代萱襲封文宣公兼兖州泗水令子齊卿

三十七代齊卿德宗建中三年襲封文宣公兼除兖州功曹參軍時遭叛亂陷於東平子惟晬

三十八代惟晬憲宗元和十二年東平兵解歸魯授兖州參軍襲封文宣公年六十五卒子策

三十九代策明經及第歷少府監主簿國子監丞襲封文宣公遷國子尚書博士年五十七卒子

振

四十代振字國文懿宗咸通四年狀元及第除秘書省校書郎歷運判監察御史左補闕水

部員外郎襲封文宣公賜百練年七十四卒子昭儉

四十一代昭儉任南陵尉授廣文館博士兖州司馬賜緋除秘書郎襲封文宣公累幸曲阜年

六十卒子光嗣

四十二代光嗣齋郎出身哀帝天祐二年授泗水令陵廟主五季之亂失其世爵故授是官年

四十一為酒掃戶孔末所害子仁玉

四十三代仁玉字温如初孔末既害光嗣自為曲阜令時仁玉生始九月母張氏抱歸

育於外家後魯人見其長訝於官事聞於朝乃罷末以仁玉為先聖嗣身長七尺姿貌異常善六藝尤精春秋為人嚴整臨事有斷時年十九歲任曲阜縣三簿兩考滿陞縣令襲封文宣公後周廣順二年幸林廟召對數刻賜五品服銀器雜綵復口授曲阜縣令兼監察御史年四十五卒贈兵部尚書今孔氏稱為

曲阜志 卷之二 鄭文

中興祖云子四宜憲寬勗

四十四代宜字不疑

自幼聰悟十歲能屬文弱冠鍾家
闕上書述其家世詔為曲阜主簿調黃州軍事推官
時方平吳越參預兵機宜力寔多代歸太宗召見遷
司農寺丞領關市於皇子鎮時江左始平庶務不綱
皇子實江湖之會要貨殖之都聚度其利害請營之
為軍勸議以戶口少且陞為縣即命宰之政成考績
有稱轉運使王明奏其言忠行篤守法奉公乞擢居
朝列委以事權尋入觀因獻所著文賦太宗嘉焉顧
問孔氏歷世之數具以實對太宗謂左右曰家世之
遠有如此者乎特遷太子右贊善大夫襲封文宣公
未幾通判高密還朝遷殿中丞雍熙二年太宗北征
受詔督軍餉溺巨馬河卒年四十六子三延世延澤
延渥

四十五代延世字茂先

以父沒邊境特賜同學究出身
授曲阜主簿秩滿陞福州閩縣

令調許州長葛令真宗即位宣諭侍臣令咨訪宣聖
有何子孫呂端奏有嫡孫延世見任長葛令召見詢
以家門故事授曲阜令襲封文宣公卒於官年三十
八子聖佑

四十六代聖佑

年九歲賜同學究出身祥符元年真宗
東封詔賜衣綠次京官陪位駕幸林廟
授太常寺奉禮郎四年轉大理評事天禧五年以光
祿寺丞襲封文宣公知仙源縣事遷贊善大夫終於
太子中舍卒年三十五無嗣以堂弟宗愿承襲

宗愿字子莊

延澤子天聖中以叔父道輔膺補太廟
齋郎寶元二年授守國子監主簿襲封
文宣公知仙源縣事至和二年改封衍聖公知仙源
縣如故累遷尚書比部員外郎通判維州卒于官年
六十三子四長若蒙次若虛若愚若拙

四十七代若蒙字公明

熙寧元年襲封衍聖公元祐元
年改封奉聖公坐事廢以弟若

虛承襲一詔令專主祀事不在他職每遇大禮許赴
關陪位至我
列聖視學必遣官取衍聖公及三氏子孫觀禮始此

若虛字公實

元符元年襲封奉聖公卒朝廷復以若
蒙長子端友嗣爵

四十八代端友字子交

崇寧三年襲封衍聖公管勾祀
事宣和二年特轉通直郎除直
秘閣賜緋仍許就在關陞建炎初借叔父孔傳侄孔
玠扈從高宗南渡寓居衢州紹興二年權遣知郴州
卒於任無子以侄玠嗣玠端操第四子也

端操

端友母弟也以兄南渡留守祠庭金初權襲封
衍聖公子四瑄璠瑱瑛

四十九代璠字文老

端操之次子也金天眷二年嗣封
衍聖公管勾祀事贈榮祿大夫皇

統二十一年卒年三十八子二拯揔

五十代拯字元濟

皇統二十一年行省咨文宣王四十九代
孫璠已襲封未施行間身故自古襲

封不限年齒今男拯次當襲封奏奉勅旨准行時年
七歲除文林郎襲封衍聖公管勾祀事終通直郎大
定元年卒年二十六無嗣以弟揔襲爵

揔字元會

大定二十二年文林郎襲封衍聖公管勾祀事
二十一年世宗召赴闕下欲留任用力辭

專奉祀事特受曲阜縣令襲封之後嚴潔祭祀敦睦
親族嘗言曰生為聖人子孫而終當嗣職坐觀臨陋
寧不愧於心乎乃親率佃戶之東蒙山採伐材木增
廣林廟及尼防山殿堂廊廡五十餘楹終奉直大夫
卒年五十三贈光祿大夫子一元措元絃

五十一代元措字彥得

年十一歲明昌二十一年文林郎襲
封衍聖公管勾祀事特旨令視

四品其散官僚八品不稱仰超授中議大夫以後襲
封並准此例承安二十一年勅令衍聖公年及十

阜縣令仍許世襲不得別行差占世襲曲阜令始此
 貞祐二年宜宗幸汴京趨赴行在所適丁母憂遂授
 東平府判官三年起復與隨朝職事遂授太常博士與
 定二年秩滿復任四年改行太常丞元光元年授同
 知集賢院兼前職四年秩滿復任天興元年八月通
 歷三年授泰定軍節度使交州管内觀察使兼行
 太常少卿二年遷光祿大夫尋改太常卿癸巳年元
 陷汴梁特取元措遷東平依舊襲封衍聖公主奉祀
 事無子以任孫洵嗣爵洵之固子也之固元措母弟
 元絃子也坐罪奪爵無子以元措從弟元用權襲封
 焉

元用字俊卿元孝同母弟也

初貞祐二年元措從官宗遷于汴擬兄用攝祀

事及宋克平山東寶慶元年授通直郎權襲封衍聖公仙源令二年改濟州通判兼京東西道安撫司主管機宜文字元大師木華里統諸道兵至承制拜授襲封衍聖公世襲曲阜令給降衍聖公印于之全

五十二代之全字工升

乙酉年父元用從征益都之全

年元措自汴還東平依舊襲封衍聖公之全止克曲阜令壬子年二月宣差東平路行軍萬戶總管權授襲封衍聖公降到印信兼曲阜縣令年五十一卒子三治澄濟

五十三代治字世安

壬子年替父之全關克曲阜管民

主祀事至元十三年授承事郎曲阜尹兼管諸軍與魯仍權祀事二十一年授奉訓大夫單州防禦使二十九年遷奉直大夫密州知州元貞元年赴關朝見特授中議大夫襲封衍聖公子思誠罷封改封適長思晦焉

五十四代思晦字明道

按家譜宗愿生若愚若愚生端

元孝生之厚贈亞中大夫濟寧路總管輕車都尉魯郡侯之厚生浣贈通議大夫禮部尚書上輕車都尉

魯郡侯浣生思晦天資穎秀受業導江張先生鎮讀
 書即識大義至大中舉孝廉授范陽教諭改寧陽教
 諭仁宗即位訪孔子後儒臣元明善等曰思晦嫡長
 應嗣時延祐二年授中議大夫襲封衍聖公給月俸
 自百緡加至五百緡給四品印恭定四年進封嘉議
 大夫至順二年改鑄三品銀印卒年六十有七其日
 群鶴翔鳴舍上神光自東南降其舍比贈通奉大夫
 河南江北等處行中書省叅知政事護軍追封魯郡
 公謚文肅子克堅

五十五代克堅字璟夫

性聰學博善詩詞尤工樂府至
 元六年授嘉議大夫襲封衍聖
 公至正八年朝廷詔公之爵與階不稱制授中奉大
 夫易以銀章十五年徵為同知太常禮儀院事會山
 東亂北行次藁城丞相賀太平奏召人為集賢直學
 士十九年遷禮部尚書是年冬擢為西臺侍御史二
 十一年除國子祭酒謝病歸守祖庭二十六年
 天兵取中原我

太祖高皇帝手詔趨入觀待以賓禮而不名洪武二年
 以疾告遣中使存問日再至疾篤詔驛傳還家錫
 白金百兩雜絲十端行次邳之新安驛卒于舟中諸
 子扶柩歸葬祖墓西北年五十有五子九長希學次
 希說希範希進希麟希鳳希順希尹希贊一按孔氏
 分九門自此始

五十六代希學字士行

元末授中奉大夫襲封衍聖公
 歲戊申我
 太祖高皇帝初黃元命希學首朝京師
 上清問下民即以歷代治理對
 上嘉之賜雜絲六端命回守祖庭洪武元年授資善大
 夫襲封衍聖公卒年四十有七
 朝廷遣諭祭子一訓誥一自後每代皆遣使諭祭不重
 書

五十七代訥字言伯

洪武十六年丁父憂以國哀赴京
 將俾襲爵以居喪乃止丙寅正月
 朝京師拜襲封之命初行誥詞吏部奏用資善階
 聖上諭之曰既爵公勿專散官但誥以織文玉軸為異

耳遂為故事洪武庚辰以疾卒年四十有二子四長
公鑑次鐸鈞鏗

五十八代公鑑字昭文

洪武二十三年襲封又明年五
午以疾卒年二十三子彥縉

五十九代彥縉字朝紳

三歲而孤賴母胡太夫人教之
甫十歲又京襲封其名字皆

仁宗皇帝所命也時永樂八年至二十二年八月十五
日

仁宗皇帝即位率三子孫朝賀遣內官金花傳
旨衍聖公來朝與正一品衣服一套鈔二千貫下程羊

酒求依此例又賜第於東安門北景泰二年
上幸太學詔率三子孫觀禮賜冠帶錦衣越二年

朝會復賜三臺銀印玉帶衣織金麒麟文視一品皆
異數也卒年五十有五命禮部治喪工部治墳葬
祖墓之左子四承慶承吉承澤承源

六十代承慶

六歲遭母夏夫人喪盡孝既長從二氏學
錄族祖克曼學所著有禮庭吟稿行世未

襲爵而卒景泰六年贈襲封衍聖公子一弘緒弘泰

六十一代弘緒字以敬

景泰六年襲封時年八歲延入

謹禮崇德四字亦異數也成化六年坐事廢以弟弘
泰嗣爵子一聞韶聞禮

弘泰字以和

成化五年以在聞韶尚在襁褓不在祀
事繼兄襲封子聞韶

六十二代聞韶字知德

弘治十六年襲封子一貞幹貞

六十三代貞幹字用濟

嘉靖二十五年襲封子尚賢

六十四代尚賢字象之

嘉靖三十五年襲封子一胤椿

六十五代胤椿字懋齡

舊例應襲封者未襲封之先儒
巾圓領送三氏學讀書習禮萬

曆二十一年胤椿以父尚賢比照勳衛具題
欽休冠服此特典也

世職知縣

按史漢以前曲阜為魯國故有從事督郵之官隋改為曲阜縣以後則有令至宋以京朝官知縣事故有以殿中丞知縣事者有以光祿丞知縣事者皇祐三年詔今自仙源縣官復于孔氏子弟中選用崇寧間又詔文宣王後當聽一人注兗州仙源縣官故有丞有簿有尉大抵皆世官也金末及元常以衍聖公兼

知縣事故有世襲縣尹至我

皇朝革世襲始改為世職知縣云

漢

元帝永元間以十八代孫孔澍為魯從事此孔氏任鄉官之始

延熹中二十代孫浮綱承俱任東魯督郵

唐

四十一代孫緒任曲阜令四十一代孫昭儉累宰曲阜

後唐

長興初以仁玉為主簿兩考滿陞縣令

後周

廣順二年復授仁玉縣令

篤幸林廟召對數刻稱旨復口授是官兼監察御史

宋

乾德四年授宜曲阜主簿奉祀事

宜誼關上書述其世家召見授是官

至道三年授延世主簿真宗初呂端奏召見改縣令

祥符二年以太常博士孔勗知仙源縣事

真宗改曲阜曰仙源

祥符四年以延魯知縣事主管祠廟

祥符九年以道輔知縣事

天禧五年聖祐以光祿丞知縣事

慶曆五年以匠作監丞宗亮知縣事

即舜亮

慶曆八年以彥輔為主簿任滿除將作監主簿告養

親十五年服闋知縣事

嘉祐元年以宗翰知縣事

治平四年以宗壽任主簿紹聖元年知縣事

熙寧元年若蒙任主簿

元豐元年若升任主簿

元祐四年以若古任主簿八年改任仙源縣尉

大觀二年若谷以文林郎任縣丞

政和三年以從仕郎宗哲就差仙源縣丞

宣和五年以通直郎堯任縣丞

宣和七年以迪功郎端問任縣丞

寶慶元年宋平山東元用以通直郎任縣令

金

天會八年以迪功郎若鑑任曲阜主簿七年改仙源仍為曲阜

皇統二十年以登仕郎瑀任主簿

皇統五年以將仕郎環任主簿

天德二年以忠勇校尉玖任曲阜尉

世宗大定初思逮入覲授承事郎曲阜令

大定二十二年世宗召見衍聖公特授兼縣令

章宗承安二年克昌任縣令初襲封衍聖公承安及平

元

太祖十五年木華黎平山東承制以故宋縣令元用

世襲曲阜令傳子之全孫治俱世襲

至元二十二年授思誠從事郎襲縣尹

延祐間授孔濟承事郎曲阜尹

至治二年思凱由國子生襲縣尹

元統初以克欽襲縣尹

至正十二年以從仕郎希大襲縣尹

二十三年授希童從仕郎曲阜縣尹

皇明

洪武元年改故元縣尹希大為承事郎曲阜尹

七年以克伸為世職知縣希大坐罪廢世襲改世職衍聖公希學同族人思矩

等二十八人赴京保舉克伸堪任前職我太祖高皇帝召見問曰你曉得作詩麼對曰臣頗曉上曰頗曉即是曉的命以將山為題須臾詩成天顏大喜朗誦數遍笑曰莫說你別才調只這首詩也該與你个知縣做遂領勅赴任嘉靖二十八年入鄉賢祠一孔氏世職始此

洪武十五年克當任

洪武十七年希文任

洪武二十八年希範任

永樂九年克中任以俱領勅赴任嘉靖戊子入鄉賢祠

宣德九年公鏗任勅封承事郎妻王氏封孺人

景泰元年誤任勅封文林郎入鄉賢祠父希武如其官母胡氏妻黃氏俱孺人

天順五年公錫由舉人任勅封文林郎封父諡如其官母劉氏繼母錢氏妻李氏俱孺人以考績加交州府通判銜仍管縣事一按世職加銜自此始

成化八年燮任勅封文林郎加交州府通判銜父希敬如其官母鮑氏妻朱氏俱孺人

朝聖誌

卷之二

楊仕

成化二十三年希永由監生任

弘治二年彥士由舉人任勅封文林郎父公綬如其官母王氏妻陳氏俱孺人

正德元年承泗任

正德五年承夏由監生任

正德十一年公統任

嘉靖元年承震由舉人任勅封文林郎妻孫氏孺人

嘉靖十一年公珪由監生任勅封文林郎妻許氏孺人

嘉靖二十一年公澤任

嘉靖二十五年承業任勅封文林郎父彥學如其官母陳氏妻劉氏俱孺人

嘉靖四十三年弘廊由歲貢任以前聖公保舉以後兩院考選

隆慶二年承厚由廩生任蒙兩院薦舉孝行題授前職該廣西道御史趙可

懷奏葉世職理民事止許管林廟隨該衍聖公奏林廟錢糧自有原設管勾管理議裁本官致仕歸

萬曆元年弘復由廩生任奉題准新例由提學道

考選一名送部覆考一名除授前職四年始奉例朝

觀五年考滿稱職陞濟寧州知州仍管縣事九年考滿

稱職誥封奉直大夫贈父承英如其官母許氏太

宜人妻孫氏封宜人十四年考滿稱職陞東昌府同

知仍管縣事二十一年加銜山東都轉鹽運使司同

知以禮致仕

萬曆二十二年貞教由廩生任照例考選除授前職

奏兩院勘明二十八年奉旨改常州府儒學教授任滿稱職二十二年陞京衛武

學教授三十五年仍以本縣知縣職銜回籍

萬曆二十七年貞叢由廩生任

照例考選除授前職二十一年考滿稱職

初封文林郎父聞暨如其官母高氏妻邢氏繼室朱氏俱孺人三十四年接到吏部文憑陞授沂州知州仍管縣事

翰林院世襲五經博士

弘治十六年聞詩以父衍聖公弘泰恩蔭前職

此孔門博士之始也

正德元年題

准以衍聖公次子世襲五經博士

縣

子思子廟名中庸書院以孟子受業故也設此官專管奉祀事春秋二祭博士赴鄒縣主祭云

本年聞禮襲前職

係衍聖公弘緒次子

嘉靖二十五年貞寧襲前職

係衍聖公聞韶次子

萬曆二十二年胤桂襲前職

係衍聖公尚賢次子

四氏學錄

按建學始于魏黃初一年至宋祥符二年令就廟建

學以訓孔氏子孫猶未聞設官也至乾興元年孫宣

公守充請以楊光輔為講書轉奉禮郎元祐元年置

教授一員於舉到文官內差或委本路監司保舉有
 行義人充令教訓本家子弟四年尹復秦以文潞公
 薦為教授本年又設學錄一員蓋當時教授自署此
錄官名金元間更置不一至世祖中統初詔立曲阜
之始也廟學選師儒充教授正錄各一至我

皇朝洪武元年設孔顏孟三氏子孫教授一員用異姓
 學錄一員宣德以後始以聖裔任俱聽衍聖公保舉
 咨部銓除萬曆十五年山東巡按毛題 准入考察
 按本學考察自此始然既添考察宜並行黜陟倘不

肖者黜矣非陞遷何以勵賢能云

前代

塘 任廟學正

之威 由單父教諭轉廟學正終費鄉一縣尹

思永

克仁

洵 以上俱任廟學正

摯 終場及第授從仕郎廟學教授

汾 由肥城諭轉三氏教授

五十七代諱 詒 謨 俱 恩賜壽官

五十八代公寵 公寧 公舒

舉事公祿 公性 公源 承流 承茂 前家長希琛希瑄俱兼舉事內公源又以舉事轉家長冠帶壽官

衢族

四十八代孫端友衍聖公若蒙長子也元祐元年除朝奉郎襲封衍聖公宣和二年轉通直郎除直秘閣賜緋建炎四年與族叔傳侄玠隨高宗南渡寓居衢

州遂家焉紹興二年權遣知邠州卒于官無子以侄

玠嗣

玠衍聖公端樞第四子也紹興二年授承事郎襲封

衍聖公專主廟祀事生子四長摺摺生子一文遠文

遠生子二長萬春萬春生子一洙俱南宋朝襲封衍

聖公元平宋歸附至元十九年召洙赴闕罷封授承

務郎提舉浙東道學校事南渡宗子 端友至此嗣絕

傳字世文舊名 若古按譜中興祖第四子勗勗生子五長

道輔道輔生子二長舜亮一名舜亮舜亮生子三傳乃舜

亮之第三子也世宗知歸州改峽州又知撫州累官
中散大夫年七十五卒葬衢城北孝弟里今之衢族
皆傳之後裔也至我

皇朝弘治六年從衢州府知府沈杰議授五十九代孫
彥繩翰林院五經博士奉衢州祖廟祀事世襲至今
云

聖裔考辨 附

六十三代孫貞棟撰

按聖裔考程氏敏政所撰也直斥封爵不當闕里之
宗當歸之衢族至海州張朝瑞氏撰傳道錄因而兩
疑之蓋誤于程氏之說也請得就程氏之說詳辨之
五季已前無論已五季之亂有酒掃戶孔末者欲具

封爵盡賊孔氏子孫時有四十二代嫡孫光嗣任泗
水令亦往殺之有子仁玉生方九月母張氏秘養之
及長魯人訖于官事聞于朝遂逐末以仁玉襲封文
宣公是彼時聖裔止有仁玉一人故孔氏尊為中興
祖今南北二宗皆仁玉之裔也仁玉生四子宜憲
冕最則宜為嫡長最為四支明矣至宋太平興國中
宜嗣爵傳于延世延世傳于聖佑既卒無子以堂弟宗
愿嗣爵宗愿者延澤之子也聖佑既卒無子以堂弟宗
嫡長明矣宗愿傳于若蒙若蒙傳弟若虛卒復傳若
蒙長子端友高宗南渡偕族叔若古改名傳在玠南
奔遂家于衢玠端操之四子也端友既南奔金人遂
封端操為衍聖公傳于璠璠傳于拯拯傳弟松松傳
于元措四世皆受金封于北程氏何得以璠為劉豫
之始封也玠承端友嗣受宋封于南四傳至洙入元
罷封焉當時南北兩公皆端操之子也則璠為兄玠
為弟明矣程氏乃謂南宗為嗣爵之人北宗為疎且
遠者豈有同胞兄弟而謂其宗為疎遠可乎又云璠
三傳至元措入元而卒乃石洙何

夢中語也豈知措無子傳在也
 此則端友端操俱絕矣當其措從也
 從兄元用攝祀事元用端立之曾孫也
 嗣既絕則端立之後人為嫡長明矣
 元用傳子之全
 之全傳子治三世皆受元封至仁宗
 延佑三年魯人
 言于朝以元用後三子不當受封而
 推思晦焉思晦
 元孝之長子元若用之親兄也程氏
 謂思晦為元
 措宗人蓋推而遠之也或曰思晦
 受封爵則奉祀有人况是同胞故不
 爭耳仁宗乃召
 思晦詢以世家知為嫡長遂罷治子
 思誠而封思晦
 為傳至今公尚賢歷十世皆嫡傳也
 程氏又云北
 宗皆出于一時逃難流落之人取此
 去彼非至公之
 道然則奔衢者非逃難流落者乎又
 云北宗皆出于
 一時之訪求必不得已南宗猶為近
 之豈知南北二
 宗同是仁王之裔何得謂南宗為近
 乎况北宗襲封
 代奉
 明旨何得謂之訪求乎春秋之義諸
 侯不能守其社稷

者絕端友南渡雖曰從于實去宗國
 倘律以春秋之法即有子孫亦不當
 嗣爵况今之衢族皆若古之裔乃老
 四支最公之後人也無論宗子世嫡
 即今闕里族人為宜公之裔孫者不
 下幾于丁安得及于勗公之後則居
 闕里者亦不勗公之裔乎假使及于
 勗公之後則居闕里者亦不下幾于
 丁安得及于離祖之裔乎夫宗法著
 之典禮宗派載在譜牒天理人心何
 得泯之况吾聖祖在天之靈昭昭也
 嗟夫南北二宗同是骨肉何忍深辨
 第因程氏之說姑述其家世以告知
 者按程氏敏政與先伯祖襲封衍聖
 公弘緒皆南陽李相公之婿也兩裔
 素不相能云

此則端友端操俱絕矣當其措從也
 從兄元用攝祀事元用端立之曾孫也
 嗣既絕則端立之後人為嫡長明矣
 元用傳子之全
 之全傳子治三世皆受元封至仁宗
 延佑三年魯人
 言于朝以元用後三子不當受封而
 推思晦焉思晦
 元孝之長子元若用之親兄也程氏
 謂思晦為元
 措宗人蓋推而遠之也或曰思晦
 受封爵則奉祀有人况是同胞故不
 爭耳仁宗乃召
 思晦詢以世家知為嫡長遂罷治子
 思誠而封思晦
 為傳至今公尚賢歷十世皆嫡傳也
 程氏又云北
 宗皆出于一時逃難流落之人取此
 去彼非至公之
 道然則奔衢者非逃難流落者乎又
 云北宗皆出于
 一時之訪求必不得已南宗猶為近
 之豈知南北二
 宗同是仁王之裔何得謂南宗為近
 乎况北宗襲封
 代奉
 明旨何得謂之訪求乎春秋之義諸
 侯不能守其社稷

關里誌卷之二終

關里誌卷之三

弟子誌

敘曰昔吾夫子學開二堂訓盡九國七十子者固當
 時所稱受唾門墻匠成鎔鑄而羽翼聖真者也生聚
 一堂沒享一庭萬世無異議矣然蒐輯聖經者有傳
 道之功則漢儒有記註疏聖經者有衛道之功則唐
 儒有祀闡明聖經者有體道之功則宋儒有祀誦法
 私淑者上綜六籍下繼諸子有載道之功則我
 明之儒有祀至若子雖齊聖亦先父食堂上堂下恐昭

關里誌

卷之三

郭文

穆之失序而非體也則文有別禍以祀聖賢之所自
 出此皆炳耀圖史光華俎豆歷代欽崇聖人而推本
 聖人之先波及聖人之徒者也其改祀于鄉及罷而
 不祀者附之末簡備參攷云作弟子誌

弟子名數

按弟子名數史記載孔子之言曰受業身通者七十
 有七人皆異能之士也唐司馬貞索隱曰孔子家語
 亦有七十七人宋馬端臨曰孔子弟子史記家語所
 載皆七十七人魏王肅本自顏回至顏祖止列弟子
 七十六人缺一人不合前數及觀史記弟子傳有顏
 何字冉索隱證之曰家語字稱則知顏何已載於家
 語而肅本缺之耳又北齊顏之推稱仲尼門徒升堂
 者七十有二顏氏居八唐顏真卿自敘家譜稱孔門

達者七十一人顏氏有八八人之中顏何與馬索隱
 去古未遠之推真卿俱顏氏裔孫必各有據今當以
 顏何足七十七人之數云

顏回	閔損	冉耕	冉雍	冉求
仲由	宰予	端木賜	言偃	卜商
顓孫師	魯參	澹臺滅明	宓不齊	原憲
公冶長	南宮括	公皙哀	曾蒧	顏無繇
商瞿	高柴	漆雕開	公伯寮	司馬耕
樊須	有蒧	公西赤	巫馬施	梁鱣
顏幸	冉孺	曹卣	伯虔	公孫龍

自子石已右二十五人頗有年名及受業聞見於書傳其四十有一人無年及不見書傳者約于左

冉季 公祖句茲 秦禮 漆雕哆 顏高

漆雕徒父 壤駟赤 商澤 石作蜀 任不齊

公良孺 后處 秦冉 公夏首 奚容蒧

公堅定 顏祖 鄒單 句井疆 罕父黑

秦商 申棖 顏之僕 榮旂 縣成

左人郢 燕伋 鄭國 秦非 施之常

顏噲 步叔乘 原亢籍 樂欬 廉潔

叔仲會 顏何 狄黑 邾異 孔忠

公西輿如 公西蒧

太史公曰學者多稱七十子之徒譽者或過其實毀者或損其真均之未覩厥容貌則論言弟子籍出孔氏古文近是余以弟子名姓文字悉取論語弟子問答次為編疑者闕焉一按史記所載數同家語內無琴牢陳亢懸宣三人而別有公伯寮秦冉鄒單三人當其數文翁石室圖七十二人比家語少公西輿懸宣原挑公肩公夏首句井疆邾異顏何八人而別有蘧瑗秦冉林放三人由古史又錄七十九人蘇子曰孔子弟子高弟十七人余以太史公書及孔子家語考之皆同秦史顏何不載於家語而琴牢陳亢不錄於史記二書既不可偏廢而琴牢陳亢又見於論語故并錄之凡七十九人又曰索隱云文翁圖有蘧伯玉林放申棖申堂今石室圖七十二人亦無所謂棖與堂也一以上所紀或名同而數異或數同而名異此殆後人以意增損或傳寫之誤殆不可考今惟遵

國制以嘉靖九年所定名數及續以從祀者列之紀其
實也

四配列傳

復聖顏子

魯人名回字子淵邾國之後也武王克商
功於周分封小邾魯附庸子孫因以父字為氏世
世仕魯為卿上自夷甫傳至無繇娶齊姜氏生顏子
少孔子三十歲天資明睿聞一知十甫成童即從遊
于孔門孔子曰自吾有回而門人日益親嘗謂回曰
家貧居卑胡不仕乎對曰回有郭外之田五十畝足
以給饘粥郭內之田十畝足以為線麻鼓瑟足以自
娛所學於夫子者足以自樂回不願仕也回願貧如
富賤如貴無勇而威與士交通終身無患難亦且可
乎孔子曰善哉回也夫貧而如富其知足而無欲也
賤而如貴其讓而有禮也無勇而威其恭敬而不失
於人也終身無患難其擇言而出之也若回者其至
乎孔子北遊於農山子路于貢顏淵侍各言其志孔

子曰不傷財不害民不繁詞則顏氏之子有矣子貢
對衛將軍文子曰夙興夜寐諷誦崇禮行不貳過稱
言不苟顏回之行也若逢有德之君世受顯命不失
厥名以御於天子則王者之相也家語云回以德行
著名孔子稱其仁焉年二十九髮盡白三十一而卒
孔子哭之痛曰天喪予以魯昭二十一年生哀公五
年卒墓在魯城東防山之陽漢高帝十一年東巡狩
過魯以太牢祀孔子以顏子配饗歷代因之唐太宗
貞觀二年詔稱先師配饗先聖高宗總章元年贈太
子少師睿宗太極元年加贈太子太師玄宗開元十
三年追封文公宋真宗大中祥符二年封文國公元
文宗至順元年加贈文國復聖公
國朝嘉靖九年改稱復聖顏子世以嫡長襲封翰林院
五經博士奉其祀云

宗聖曾子

名參字子輿魯南武城人郈國之後也禹
孫少康封其後子曲烈于郈當魯襄公時
邾人嘗人滅郈郈世子坐奔魯去邑而為魯氏巫凡
幾傳生點點生參參生季季生六孔子在楚點命參之

受學焉。曾子之學，隨事精察，故於至大之道，獨得其宗。天性至孝，嘗出薪于野，客至，其家母以手搯臂，參即馳至，問母曰：臂何恙？母曰：今者客至，搯臂以呼汝，耳家貧，食力，敝衣躬耕，日不舉火，而歌聲若出金石，曾君聞之，而致邑馬固辭不受，曰：吾聞受人施者，常畏人，與人者常驕，人縱君有賜，不我驕也。吾豈能勿畏乎？嘗芸瓜，誤斬其根，曾哲怒，援杖擊之。曾子仆地，有頃而蘇，蹙然而起，進曰：大人用力教參，得無疾乎？退鼓瑟而歌，欲父聽其歌而知其平也。孔子聞之，謂門人曰：昔舜事瞽瞍，索而使之，未嘗不在側，索而殺之，未嘗可得小杖，則受大杖，則走。今參委身待暴怒，以陷父，不義安得為孝？乎曾子曰：參罪大矣，遂造孔子謝過。晚年道益尊，子思公明儀之徒皆從受業。每讀喪禮，輒泣下，沾襟曰：往而不可還者，親也。至而不可用者，年也。初，吾為吏，祿不及釜，尚欣欣而喜者，非為多也。樂其逮親也。親既沒之後，吾嘗南遊於楚，得尊官焉，猶北而涕泣者，非為賤也。悲不逮吾親也。曾子寢疾，易箦而沒，曰：吾得正而斃，馬斯已矣。著書

十八篇，中篇見大戴禮八篇，又述孔子所傳大學之道，作傳十章。孔子以其志存孝道，嘗因之以作孝經十篇。子貢對衛將軍文子曰：滿而不盈，實而如虛，過之如不及，博無不學，其貌恭，其德悖，其於人也無所不信，其驕大人也，常以浩浩是曾參之行也。惠高宗總章元年，贈太子少保，從祀廟庭。睿宗太極元年，加贈太子太保。玄宗開元八年，配享孔子。二十七年，追封郕伯。宋真宗大中祥符二年，加封郕侯。徽宗政和元年，改封武城侯。度宗咸淳二年，加封郕國公。升配享元文宗至順元年，加贈宗聖公。

國朝嘉靖九年，改稱宗聖曾子。正德間，山東僉事錢宏訪得曾子之後一人於嘉祥深山中，未及請於朝，後竟湮沒。嘉靖十一年，吏部侍郎顧鼎臣奏求曾氏嫡派，得質粹於永豐縣，遷居嘉祥。至十八年，授以翰林院五經博士，世襲以奉祀。事云：一按成化元年，山東守臣上言：嘉祥南武山西南玄寨山之東麓，有漁者陷入一穴中，得懸棺，其前有石碣，鐫曾參之墓。奉詔封樹丘陵墓在嘉祥。此一魏王肅曰：武城魯邑也。

兩武城故稱南以別之索隱曰當時更有北武城故
 言南交州志曰今費縣西南八十里有南成山其阿
 有武城城武城寺斷碑尚存春秋時曾子居武城即
 此文說苑云魯人攻費曾子辭於費君曰請出姑無
 使狗豕入吾舍又戰國策甘茂之言曰曾子居費之
 武城又後漢王符論曾子葬父南成山唐章懷太子
 註云南成在費縣西南合此觀之則曾子費人也交
 州志又曰今嘉祥縣南四十五里有南武山山南有
 曾子墓山東南三里許有南武城即子游為宰處後
 改為阿城遺址尚存又嘉祥縣志曰南武城即今本
 縣遂山社地也又嘉祥知縣馬應龍曰按武城有南
 臺北屬東昌府南即今嘉祥縣內則嘉祥為南武城益
 臺山與滄臺河俱在嘉祥境內則嘉祥為南武城益
 明矣合此觀之則曾子嘉祥人也未知孰是兩存之

述聖子思子

詳具世紀自漢唐以來中庸一篇列于
 禮記故子思之學不顯至宋表章大學

中庸與論孟並列為四書乃以徽宗崇寧元年封為
 沂水侯大觀二年從祀先聖端平二年詔以子思升
 祀堂上列于十哲之間度宗咸淳三年加封沂國公
 升配享元文宗至順元年加贈沂國述聖公
 國朝嘉靖九年改稱述聖子思子正德初始設世襲翰
 林院五經博士一員奉其書院祀事

亞聖孟子

名軻字子輿一字子車魯公族孟孫之後
 也世居於鄒故為鄒人曾自伯禽就國九

世而為桓公桓公子四長為莊公其次庶子慶父叔
 牙季友是為三桓慶父之後初號仲孫其後更稱孟
 孫亦不敢伯仲莊公也傳世至激公宜娶仇氏夢神
 人乘雲攀龍鳳自泰山來將止於嶧疑視父之忽見
 片雲墜而寤時問巷皆見五色雲覆孟氏居而孟子
 生焉三歲喪父母有賢德挾其子以居始舍近墓孟
 子之少也嬉戲為墓間事踴躍築埋孟母曰此非所
 以居子也乃去舍市其嬉戲為賈街事母曰又非所
 以居子也遂徙舍學宮之傍其嬉戲乃設俎豆揖讓
 進退母曰此真可以居子矣遂居之稍長就學而歸
 母方織問曰學何所至矣軻曰自若也母以刀斷織
 孟子懼問其故母曰子之廢學若吾斷斯織矣夫若

子學以立名問以廣為是以居則安寧動則遠害而
 而廢之是不免厥役而無以離於禍患也何以異於
 織績而食中道廢而不為寧能衣其夫子而長不之
 食哉孟子懼且夕勤學不息遂成名儒年八十四卒
 墓在鄒縣南郭四基山之陽宋神宗元豐六年封鄒國公
 立廟縣南郭七年詔配享孔子廟庭位次顏子元文
 宗至順元年贈亞聖公
 國朝洪武五年罷配享諭年復之嘉靖九年改稱亞聖
 孟子景泰三年授五十六代孫希文為翰林院五經
 博士世襲以奉其祀云

先賢列傳

十哲

閔損字子騫

魯人幼喪母為後母所苦冬月以蘆花
 衣之以代絮其所生二子則衣之以綿
 閔子御父車身寒失轡父察知之欲出後母損曰母
 在子單母去子寒父善其言而止母為感悟孔
 子曰孝哉閔子騫人不問其父母昆弟之言閔子
 始見于夫子有菜色後有芻豢之色子貢問曰子始

有菜色今有芻豢之色何也閔子曰吾出蒹葭之中
 入夫子之門夫子內切磋以孝外為之陳子法心竊
 樂之出見芻豢蓋龍旂裘旃相隨心又樂之二者相攻
 胸中而不能決是以有菜色今被夫子之文寢深又
 賴二三子切磋而進之內明於去就之義出見芻豢
 龍旂裘旃相隨視如壇土矣是以有芻豢之色家語
 曰閔子以德行著名夫子稱其孝焉卒葬騫山之南
 在今直隸鳳陽府宿州北七十里唐玄宗開元八年
 從祀孔廟二十七年追封費侯宋真宗大中祥符二
 年加封瑯琊公度宗咸淳二年改封費公
 國朝嘉靖九年改稱先賢閔子一以後先賢封贈年月
 俱同不重書俱改稱先賢某子亦不重書

冉耕字伯牛

魯人以德行稱亞於顏閔尸子曰仲尼
 志意不立子路侍儀服不修公西華侍
 禮不習子游侍辭不辨宰我侍亡忽占今顏回侍節
 小物冉伯牛侍子曰吾以夫六子自厲也孔子為司
 寇以冉耕為中都宰嘗從厄於陳蔡之間有惡疾孔
 子往問之自牖執其手曰命矣夫斯人也而有斯疾

也後以不及門追思之公孫丑謂冉牛閔子顏淵皆言德行又謂三子具體而微云冉子墓在今兗州府東平州北一十五里自汶上縣西門外橋側遷於此唐玄宗時從祀封鄆侯宋封東平公改封鄆公一歸安茅坤曰冉伯牛鄆人去臨洛五百里洛之西五里冉子墓在焉洛人何得廟而祀之豈夫子門人各以其學授諸侯之國而冉子死是耶然考之冉子死而孔子與之訣蓋死于鄆也豈冉子嘗授學于洛既返而門人或得其所遺衣冠遂愛其道哀其死而相與謀葬之後之人因墓以廟耶予又嘗疑孔門諸從游者孔子亟稱之不置至伯牛則亡一言一行傳于齊魯論家語裨官野史之間特孔子哀其疾之詞耳以予觀之冉子當言不出口恂恂儒者也彼其所壑游谷處夷然託行隱君子之列百世之下固有聞風而俎豆者矣

冉雍字仲弓

伯牛之宗族以德行著名問于夫子曰雍聞至刑無所用政至政無所用刑至

刑無所用政築紂之世也至政無所用刑成康之世也信乎孔子曰聖人之治化也必刑政相參焉大上以德教民以禮齊之其次以政導民以刑禁之刑者成也一成而不可更故君子盡心焉他日為季氏宰問政子曰先有司赦小過舉賢才孔子謂其可使南面子貢曰在貧如客使其臣如借不遷怒不復怨不錄舊罪是冉雍之行也今仲弓墓有二一在兗州府曹縣東南五十里俗呼為冉塢一在東昌府冠縣北二十五里未知孰是唐玄宗時從祀封薛侯宋封下邳公加封薛公

宰予字子我

魯人長於言語嘗問五帝之德及黃帝

其人也又問君子尚辭乎孔子曰君子以理為尚博而不要非所察也繁詞富說非所聽也嘗使于楚昭王問之宰子曰切見夫子道行則樂其治不行則樂其身方今天下道德寔息志欲興而行之誠有欲治之君夫子固猶為之何必遠辱君之貶他日歸以告夫子子貢曰予之言行事之實未盡夫子之美也夫

子曰言貴實使人信之全實何稱乎賜之華不若予之實也又曰吾於子取真言之近類也於賜取其言之切事也近類則足以喻之切事則足以懼之仕齊為臨淄大夫今曲阜縣西南二里有宰我墓唐玄宗時從祀封齊侯宋封臨淄公加封齊公

端木賜字子貢

衛人天資穎悟善為說辭夫子嘗誦其辯齊景公問子貢曰子何師對曰

魯仲尼曰仲尼賢乎曰聖人也景公曰其聖何如子貢曰不知也景公作色曰始言聖人今言不知何也子貢曰賜終身戴天不知天之高也終身踐地不知地之厚也賜之事仲尼譬猶渴操壺於就江海而飲腹滿而去又安知江海之深乎子貢為信陽宰辭于夫子夫子曰治官莫如平臨財莫若廉廉平之守不可改也匿人之善斯為蔽賢揚人之惡斯為小人內不相訓而外相謗非親睦也故君子無所不慎焉子貢好廢舉與時轉貨貨喜揚人之美不能匿人之過嘗相魯衛家累千金卒于齊唐封黎侯從祀宋封黎

陽公加封黎公二千慎行曰史以子貢列于貨殖蓋臆說也夫其結駟連騎束幣帛以聘享諸侯其時卿大夫有力者類能為之而子貢以言語顯于時遊道之廣固亦無足怪者乃直信其為貨殖以致之也至如亂齊存魯破貝霸越強晉一出而五國各有變焉戰國策士之流假托依附以自為名耳豈其然乎

冉求字子有

仲弓之族也求有才藝以政事著名為季氏宰齊師魯及清冉求謂季康子曰

當子之身齊人伐魯而不能戰大不列于諸侯矣康子命冉有帥師禦之孟武伯帥右師顏羽御洩為右冉求帥左師管用父御樊遲為左及齊師戰于郊右師奔潰齊人從之涉泗冉求用矛以帥眾遂入齊師獲甲首八十齊師宵遁孔子聞之曰義也既戰季孫謂冉有曰子之于戰學之乎性之乎對曰學之孔子時孔子在衛冉有言于季孫曰國有聖人而不能使欲以求治猶卻行而求及前人也季孫以告哀公使人以幣召孔子孔子自衛反魯季康子欲以田賦使冉有訪諸仲尼仲尼不對私語冉有曰求來汝不

聞乎先王制王籍田以力而砥其遠邇賦里以入而量其有無任力以夫而議其老幼於是乎有鰥寡孤獨有軍旅之出則徵之無則已其歲收田一井出稷禾秉芻正米不是過也先王以為足若夫季孫欲其法也則有周公之籍矣若欲犯法則苟而行又何訪焉子貢曰恭老郵幼不忘賓旅好學博藝省物而勤是冉求之行也唐贈徐侯從祀宋封彭城公改封徐公

仲由字子路

魯之卞人也有勇力才藝以政事著名冠雄鷄冠佩服豚拔劍而舞曰君子固以劍自衛乎

夫子曰君子忠以為質仁以為衛不出環堵之室而何待劍乎子路曰由乃今聞此言請攝齊以受教遂儒服委質因門人請為弟子夫子曰以子之所能而加之以學問豈可及乎子路曰南山有竹不採自直斬而用之達于犀革以此言之何學之有子曰括而羽之鏃而礪之其入之亦深乎仕為蒲大夫夫子

過之入其境曰善哉由也恭敬以信矣入其邑曰善哉由也忠信以寬矣至其庭曰善哉由也明察以斷矣子貢執轡而問曰夫子未見由之政而三稱其善可得聞乎夫子曰吾見其政矣入其境田疇盡易草萊盡闢溝洫深治此其恭敬以信故其民盡力也入其邑墻屋完固樹木甚茂此其忠信以寬故其民不偷也至其庭庭甚清雅諸下用命此其明察以斷故其政不擾也雖三稱其善庸盡其美乎子路見于夫子曰負重涉遠不擇地而休家貧親老不擇祿而仕昔者由也事二親之時嘗食藜藿之食為親負米百里之外親及之後南遊于楚從車百乘積粟萬鍾願欲食藜藿為親負米不可得也夫子曰由也事親可謂生事盡力死事盡忠者也子路遇孔悝之難結纓而死夫子哭于中庭嘗曰自吾得由惡言不入於耳子貢曰不畏強禦不侮矜寡其言循性其都以富材任治戎是仲由之行也唐贈衛侯宋封河內公進封衛公

言偃字子游

名其人自其之魯業于夫子以文學著
 稀嘗饋其社饗之禮游退而學禮每待夫子告以郊社
 問聖門號為習于禮者季康子謂子游曰仁者愛人
 乎曰然人亦愛之乎曰然季康子曰鄭子產死鄭之
 人丈夫捨珞珮婦人捨珠珥巷哭三月不聞琴瑟之
 聲仲尼之死吾不聞魯國之愛之若是何也子游曰
 子產之於夫子猶浸水之與天雨所及人不得而知之也嘗宰武城
 得而知之也天雨所及人不得而知之也嘗宰武城
 以禮樂教民夫子喜而稱之子貢曰先成其慮及事
 而用之故動則不妄是言偃之行也唐贈其侯宋封
 丹陽公進封其公

卜商字子夏

衛人篤信夫子以文學著名家貧衣若
 縣鶉或曰子何不仕曰諸侯之驕我者
 吾不為臣大夫之驕我者吾不復見柳下惠與後門
 者同衣而不見疑非一日之間也及見曾子曾子曰
 何肥也子夏曰吾入見先王之義則榮之出見富貴
 又榮之兩者未知勝負故癯今先王之義勝故肥是

以志之難也夫子讀易至于損益喟然而歎子夏避
 席問曰夫子何歎焉孔子曰夫自損者必有益之自
 益者必有決之吾是以歎也子夏曰然則學者不可
 以益乎子曰非道益之謂也道彌益而身彌損夫學
 者損其自多以虛受入故能成其滿博也天道成而
 必變凡持滿而能久者未嘗有也故曰自賢者天下
 之善言不得聞于耳矣子夏曰商請志之而終身奉
 行焉孔子沒子夏教授于西河西河之民疑以為孔
 子魏文侯師之文侯以此名聞諸侯子貢曰送迎必
 敬上交下接若截焉是卜商之行也子夏習于詩能
 通其義相傳今毛詩敘子夏之遺說也或曰子夏受
 易春秋於孔子公羊高穀梁赤皆從之學春秋者也
 又傳禮著在禮志墓在曹州西二十里卜壩都唐貞
 觀二年從祀玄宗時封魏侯宋封河東公進封魏公

顓孫師字子張

陳人才高意廣外矜莊而寡誠信孔
 子每教之聞聖教之後則能鞭辟近
 裏着已矣夫子卦得賁而嘆之曰夫子曰賁非正色是以嘆之吾
 聞賁吉卦而嘆之乎夫子曰賁非正色是以嘆之吾

思夫質素白當正白黑當正黑夫質文何也吾聞丹
 漆不文白玉不雕寶珠不飾何也質有餘者不受飾
 也蓋因其文勝而默救之也子張病召申祥而語之
 曰君子曰終小人曰死吾今日其庶幾乎子貢曰美
 功不伐貴位不喜不侮不佚不傲無告是顯孫師之
 行也夫子曰其不伐則猶可能其不侮百姓則仁也
 公孫丑謂子夏子游子張皆有聖人之一體云今直
 隸徐州蕭縣南三十五里堀坊村西有子張墓唐玄
 宗時從祀封陳伯宋封宛丘侯政和改封潁川侯咸
 淳間加封陳國公尋稱陳公升于哲位

先賢列傳

兩廡

澹臺滅明字子羽

武城人狀貌甚惡夫子以為材薄
 既受業退而修行行不由徑非公

事不見卿大夫南游至江從弟子三百人設取于去
 就名施乎諸侯夫子聞之曰吾以言取人失之宰予
 以貌取人失之子羽今蘇州府南一十八里有澹臺
 湖豫章有進賢門進賢縣皆其南遊遺跡唐封江伯

宋封金鄉侯國朝嘉靖九年改稱先賢澹臺子以
 後俱稱先賢某子不重書

宓不齊字子賤

魯人為單父宰彈鳴琴身不下堂而
 治夫子問曰子治單父而眾悅子何

施而得之也對曰不齊父其父其子恤諸孤而哀
 喪紀夫子曰是小民附矣猶未也曰不齊所父事者
 三人所兄事者五人所友者十有一人夫子曰父事
 三人可以教孝矣兄事五人可以教弟矣友十有一
 人可以教學矣是士附矣猶未也曰此地有賢於不
 齊者五人不齊師之而稟度焉夫子曰昔堯舜聽天
 下務求賢以自輔夫賢者百夫之宗也神明之主也
 惜乎不齊之所治者小也墓在今直隸鳳陽府壽州
 南六十里鐵佛岡舊有碑云子賤為魯使兵死于道
 因葬焉著宓子十六篇夫子以君子稱之唐封單父
 伯宋封單父侯

原憲字子思

宋人鄭玄曰魯人清靜守節貧而樂道
 夫子及隱子衛蘧草澤中子貢相衛結

駟連騎排藜藿入齊闔過謝思攝蔽衣冠見子貢耻之曰夫子豈病乎鬼曰吾聞之無財者謂之貧學道而不能行者謂之病若憲貧也非病也子貢慙不釋而去終身耻其言之過也今費縣西北一百二十五里有原憲墓俗呼為原憲屯唐封原伯宋封任城侯

公冶長字子長

齊人家語曰魯人嘗陷于縲綆夫子謂非其罪也以其子妻之漢書云墓

在姑幕城東南五里青州府諸城縣西是也唐封苜伯宋封高密侯

南宮适字子容

一作括一作韜一作緇魯孟僖子之子居南宮因姓焉又曰南宮敬叔云

初敬叔以富得罪於定公奔衛後得反載其寶以朝夫子聞之曰若是其貨也喪不如速貧之愈也子游侍曰敢問何謂夫子曰富而不好禮殃也敬叔以富喪矣而又弗改吾懼其有後患也敬叔聞之遂循禮施散焉哀公三年司鐸火踰公官桓僖宮災抹火者皆曰顧府南宮敬叔至命周人出御書侯於宮故子

服景伯遂命莘人出禮書唯是周禮在魯而與籍尚存者敬叔之功為多也夫子信其能仁以兄子妻之唐封鄉伯宋封襲丘侯改封汝陽侯

高柴字子羔

齊人敬仲高奚十代孫也鄭玄曰衛人

足不履影啟螻不殺方長不折執親之喪泣血三年未嘗見齒為衛士師嘗別人之足及出公之難子羔出走郭門則者守門焉謂子羔曰彼有缺于羔曰君子不踰又曰彼有寶于羔曰君子不隱又曰於此有室子羔乃入焉既而追者罷于羔將出謂別者曰吾不能虧主之法而別子之足今吾在難正子報怨之時而逃我者三何哉別者曰斷足吾自取之獄將決而君愀然不樂君非私我也天生君子其道固然此臣之所以悅君也夫子聞之曰善哉為吏用法一也思仁恕則樹德加嚴暴則樹怨公以行之其柴乎唐封共城伯宋封共城侯

漆雕開字子若

尚書不樂仕。夫子使之仕，對曰：「吾斯之未能信。」子說。夫子問曰：「子事臧文仲，武仲及孺子容，此二大夫孰賢？」對曰：「臧氏家有守，豨焉名曰蔡，文仲三年而為一兆，武仲二年而為一兆，孺子容三年而為三兆，從此見之。若問二人之賢與不賢，未敢識也。夫子曰：「君子哉漆雕氏之子，其言人之美也隱而顯，其言人之過也微，而著。程子稱其已見大意，唐封滕伯，宋封平輿侯。」

樊須字子遲

魯人樊皮之後。鄭玄曰：齊人從夫子遊，哉問又請學稼圃。夫子所以謂之小人也。唐封樊伯，宋封益都侯。一于慎行曰：樊遲請學稼圃，蓋治神農之言，欲以耕戰力田，建富強之業，而不知禮義之教，可以服天下，其學術之流必至懷許行之說，而售其商之利，去聖人之道遠矣。故夫子以端木之道告之，此王霸之幾也。或者不知真以為欲學農圃而譏其

陋亦淺於論須者矣

司馬耕字子牛

宋人司馬向，難之弟也。自宋來，學牛也。詭難將為亂，牛多憂懼。魯哀公十四年，向難作亂，入于曹，以叛。宋景公使左師向巢伐之，巢不能克，難奔衛，牛致其邑與珪焉，而適齊。難自衛入齊，陳成子使為次，卿牛又致其邑，而適吳。吳人惡之，而反趙簡子，陳成子皆召之。卒于魯，郭門之外，阮氏葬。諸丘與唐封向伯，宋封楚侯，改封綏陽侯。

公西赤字子華

魯人習于禮容，應對夫子曰：「二三子其於養親，則若與朋友處，然恩勝禮也。夫子之喪，公西赤為志，焉蓋備。二王之制，以尊師，云唐封郛伯，宋封鉅野侯。」

有若字子有

魯人為，人，彊識好古道。夫子既沒，曾子曰：「吾聞之，夫子喪，欲速，貧，死欲速，朽。」有

易學

卷之三

三

六世

子固是非君子之也然則夫子有為言之也魯子以告子游子游曰甚哉有子之言似夫子也昔者夫子居於宋見桓司馬為石櫟三年不成夫子曰若是其靡也死不如速朽之為愈也南宮敬叔反必載寶而朝夫子曰若是其貨也喪不如速貧之為愈也魯子以告有子有子曰然吾固曰非夫子之言也他日子夏子張子游以有若似聖人欲以所事夫子者事之強曾子曾子曰不可乃止唐封汴伯宋封平陰侯

琴張字子開

衛人一字子張與子桑戶孟子之反三人

往待焉或編曲或鼓琴相和而歌子貢問曰臨尸而歌禮乎二人相視而笑曰是惡知禮意哉子貢反以告夫子曰彼遊方之外者也以生為附贅縣疣以死為決疣潰癰又惡知生死先後之所在哉孟子曰如琴張曾皙牧皮者孔子之所謂狂也唐封南陵伯宋封平陽侯

申枨字子周

魯人邢昺論語註疏曰申枨孔子弟子家語作申續史記作申黨其實一也夫

子曰吾未見剛者或對曰申枨子曰枨也慾焉得剛唐封魯伯宋封文登侯

陳亢字子亢

陳人一字子禽陳子車死于衛其妻與

曰夫子疾莫養於下請以殉葬亢曰以殉葬非禮也雖然則彼疾當養者孰若妻與宰得已則吾欲已不

巫馬施字子期

陳人子賤治單父身不下堂鳴琴而

夜不處而單父亦治期問于子賤曰子鳴琴而單父治一不見其勞何也子賤曰我任人子任力任人者佚任力者勞期曰是施之未至也唐封鄆伯宋封東阿侯

梁鱣字子魚

齊人年三十未有子欲出其妻商瞿謂

憂也瞿過四十畜有五丈夫子今果然吾恐子亦晚生耳未必妻之過也從之二十一年而有子唐封梁伯宋

封子乘侯

公哲哀字季沉

齊人天下多仕於大夫為家臣季沉鄙之未嘗屈節為人臣夫子賢之太史公曰季沉原憲讀書懷獨行君子之德義不苟合當世終身空室蓬戶褐衣蔬食不厭死而已四百餘年而弟子志之不倦此可以知其賢矣唐封郟伯宋封北海侯

商瞿字子木

魯人好易夫子傳之嘗為夫子筮曰子有聖智而無位夫子泣曰天也命也鳳鳥不來河無圖至嗚呼天命之也瞿傳楚人馯臂子弘弘傳江東人矯子庸疵疵傳燕人周子家豎豎傳淳于人光子乘羽羽傳齊人田子莊何及秦禁學易為筮卜之書獨不禁故傳受者不絕也漢興田何傳之訖于宣元有施孟梁丘京氏列于學官語具漢書中唐封蒙伯宋封須昌侯

冉孺字子魯

魯人唐封紀伯宋封臨沂侯

顏辛字子柳

魯人唐封蕭伯宋封陽穀侯

伯虔字子析

魯人唐封聊伯宋封沐陽侯

曹卹字子循

蔡人唐封曹伯宋封上蔡侯

冉季字子產

魯人唐封東平伯宋封諸城侯

公孫龍字子石

衛人鄭玄曰楚人唐封黃伯宋封枝江侯

漆雕哆字子斂

一作侈魯人唐封武城伯宋封濮陽侯

秦商字子丕

魯人鄭玄曰楚人唐封上洛伯宋封鄆城侯

漆雕徒父字子有

一作從字子文魯人唐封須句伯宋封高苑侯

顏高字子驕

一名刻魯人唐封琅琊伯宋封雷澤侯

關里

卷之三

封

五百九十

商澤字子秀

侯 一作文季魯人唐封睢陽伯宋封鄒平

壤駟赤字子徒

家語作穰徒作從秦人唐封北徵伯宋封上邽侯一按通志略壤駟氏複

姓未知是

任不齊字子選

楚人唐封任城伯宋封當陽侯

石作蜀字子明

秦之成純人唐封郿邑伯宋封成純侯一按姓氏英賢傳有石作蜀氏族

略複姓篇有石作氏註云石作蜀孔子弟子據此當稱石作子未知孰是

公良孺字子正

家語作儒陳人唐封東牟伯宋封牟平侯

公夏首字子乘

家語作守字乘魯人唐封元父伯宋封鉅平侯

公肩定字子中

家語作堅字子仲魯人唐封新田伯宋封梁父侯

后處字子里

家語作石處字堅之齊人唐封營丘伯宋封膠東侯

鄒單字子家

徐廣曰一云鄒單唐封銅鞮伯宋封聊城侯一家語懸置禮記檀弓篇縣子疑節其

錄曰懸豐今家語作懸置禮記檀弓篇縣子疑節其人而祀典今不及焉宜補贈懸置爵號列諸從祀一

按家語有懸置而無鄒單史記有鄒單而無懸置疑即一人以姓名相近而誤耳且其字家語曰子象史

記曰子象象字類家疑亦誤書今當祀懸置而罷鄒單似為近之蓋與其從史記不若從家語也

奚容蒧字子皙

一作奚蒧字子借魯人正義曰衛人唐封下邳伯宋封濟陽侯一按氏族

罕父黑字子索

魯人唐封乘丘伯宋封神鄉侯一按氏族略無罕父氏止有罕父氏註云

孔子弟子有罕父黑則家語罕作罕為是

易知錄 卷之三 卅

顏祖字子襄

一作祖魯人唐封臨邑伯宋封富陽侯

榮旂字子祺

一作祖魯人唐封雩婁伯宋封厭次侯

秦祖字子南

秦人唐封少梁伯宋封鄆城侯

左人郢字行

家語作左郢字子行魯人唐封臨淄伯宋封南華侯一按通志略左人以官為

姓也如封人雍人之類稱左子似誤

句井疆字子疆

家語句作勾衛人唐封淇陽伯宋封滏陽侯

鄭國字子徒

一作薛邦魯人唐封滎陽伯宋封胸山侯

公祖句茲字子之

家語無句字魯人唐封期思伯宋封即墨侯

原亢字籍

一本作原桃字子籍史記作原亢籍魯人唐封萊蕪伯宋封樂平侯

縣成字子橫

魯人唐封鉅野伯宋封武城侯

廉絜字子曹

一本作子庸衛人古史作齊人唐封曹父伯宋封胙城侯

燕伋字思

家語作級字子思秦人唐封漁陽伯宋封沂源侯

叔仲噲字子期

家語作會魯人鄭玄曰晉人唐封瑕丘伯宋封博平侯

顏之僕字子叔

魯人唐封東武伯宋封苑句侯

邾巽字子斂

魯人唐封平陸伯宋封高唐侯

樂欬字子聲

家語欬作欣正義曰魯人唐封昌平伯宋封建成侯

公西輿如字子上

古史作公西輿魯人唐封重丘伯宋封臨胸侯

狄黑字皙之

衛人唐封臨濟伯宋封林慮侯

孔忠字子茂

家語作弗孔子兄孟皮之子唐封汶陽伯宋封鄆城侯

公西歲字子尚

唐封祝阿伯宋封徐城侯

步叔乘字子車

齊人唐封淳于伯宋封博昌侯

施之常字子常

魯人唐封乘氏伯宋封臨濮侯

秦非字子之

魯人唐封沂陽伯宋封華亭侯

顏噲字子聲

魯人唐封朱虛伯宋封濟陰侯

先儒列傳

左丘明

中都人授經圖曰魯人楚左史倚相之後春秋者魯史記之名也周室既微載籍殘缺仲尼思存前聖之業以魯周公之國禮文備物史官有法故與左丘明觀其史記而修之皆口授弟子弟子

退而異說丘明恐失其真乃為之傳丘明授魯申申授吳起起授子期期授鐸椒椒授虞卿虞卿作抄撮九卷授荀卿荀卿授漢張蒼及賈誼誼為左氏傳訓故授賈公賈公授子長卿長卿授張禹禹授尹更始更始授子咸及翟方進胡常常授賈護而劉歆從尹咸及翟方進受繇是言左氏者本之賈護劉歆歆白左氏春秋可立哀帝納之以問諸儒皆不對歆遂移書責讓太常博士左氏始得立于學官唐太宗貞觀二十一年從祀宋真宗祥符元年追封瑕丘伯徽宗政和元年改封中都伯

公羊高

周末齊人受春秋于卜子夏高傳其子平平傳其子地地傳其子敢敢傳其子壽壽與弟子齊人胡毋子都趙人董仲舒著以竹帛子都授東海嬴公嬴公授同郡孟卿孟卿授魯人畦孟畦孟授東海嚴彭祖魯人顏安樂故後漢公羊有嚴氏顏氏之學仲舒以公羊顯于朝授李育育授羊弼弼授何

休休作解詰其學遂大行唐時從祀宋封臨淄伯

穀梁赤

授穀梁赤穀梁作傳以授孫卿孫卿授曾申公

申公授穀丘江公傳子至孫為博士武帝時江

公與仲舒並仲舒本治公羊於是詔太子受公羊春

秋江公之傳其後浸微惟魯榮廣皓星公二人學焉

蔡千秋從廣受又事皓星公宣帝即位聞衛太子好

穀梁春秋以問丞相韋賢等皆魯人言穀梁氏本魯

學公羊氏乃齊學也由是穀梁之學大盛於是胡

申車房氏之學唐時從祀宋封龔丘伯改封睢陽

伏生名勝

齊南人能言書秦焚書時伏生為博士獨

亡數十篇獨得二十九篇即以教於齊魯之間文帝

時求能治尚書者聞伏生欲召之時年九十餘老不

能行晁錯往受之今文尚書是也伏生作傳四十一

篇授同郡張生張生授千乘歐陽生歐陽生授同郡

倪寬寬授歐陽生之子世世傳至曾孫高謂之歐陽

學又有夏侯都尉受業於張生以授族子始昌始昌

傳族子勝為大夏侯之學勝傳從子建別為小夏侯

之學故書有歐陽大小夏侯三家並立迄漢東京相

傳不絕而歐陽最盛唐時從祀宋封乘氏伯

高堂生

漢魯人傳儀禮漢興高堂生為博士傳士禮

而河間獻王好古收集餘燼得而獻之合五十六篇

並威儀之事高堂生授瑕丘蕭奮奮授東海孟卿卿

授后蒼孝宣世后蒼最明戴德戴聖慶普皆其弟子

三家立干學官故儒林傳云漢興傳禮者十三家惟

高堂生五傳得戴德戴聖而禮大明唐時從祀宋封

萊蕪伯一按通志略曰高堂齊公族也風俗通齊卿

孔安國字子國

夫子十一世孫也少學詩于申公受

以廣其居於壁中得所藏古文虞夏商周之書及傳
 論語孝經皆科斗文字悉以書還孔氏安國乃考論
 古今文字撰眾師之義凡五十九篇為四十六卷悉
 上送官承詔作傳引序各冠其篇首定五十八篇以
 授都尉朝而司馬遷亦從安國問故遷書多古文說
 朝授膠東庸生謂之尚書古文之學後漢扶風杜林
 傳古文尚書同郡賈逵為之作訓馬融作傳鄭玄亦
 為之註然其所傳唯二十九篇又雜以今文非孔舊
 本晉世秘府所有古文尚書經文今無有傳者至
 東晉豫章內史梅賾始得安國之傳奏之時又闕舜
 典一篇齊建武中吳姚興方於天析市得其書奏上
 比馬鄭所註多二十八字於是始列于學官唐時從
 祀宋封曲阜伯

毛萇

趙人善說詩漢初有魯齊韓三家並立萇自謂
 子夏所傳初子夏作詩序以授曾申申授李克
 克授孟仲子仲子授根牟子根牟子授荀卿荀卿授
 魯人毛亨為詩訓詁河間獻王得詩傳而獻之朝時

毛萇受詩詩為獻王博士每說詩獻王悅之取詩傳
 加毛字以別齊魯韓三詩也故世謂亨為大毛公萇
 為小毛公萇所著有毛詩故訓二十卷詩傳十卷平
 帝時立于學官萇授同國賈長卿長卿授解延年延
 年授徐敖敖授九江陳俠俠授同郡謝曼卿東海衛
 敬仲受學于曼卿先儒相承謂之毛詩序子夏所創
 毛公及敬仲又加潤益鄭眾賈逵馬融並作毛詩傳
 鄭玄作毛詩箋至今獨立唐時從祀宋封樂壽伯
董仲舒廣川人也治春秋孝景時為博士下帷講誦
 不窺園其精如此進退容止非禮不行學士皆師遵
 之武帝即位舉賢良文學之士前後百數而仲舒以
 賢良對策為江都王相復相膠西兩相驕王皆以禮
 匡正凡所著述皆推明孔氏抑止百家立學校之官
 州郡舉茂材孝廉皆自仲舒發之年老以壽終于家
 家徙茂陵子及孫皆以學顯元文宗至順元年從祀
 國朝洪武二十九年追封江都伯成化三年改封廣川
 伯

后蒼

東海郟人從孟卿受禮在曲臺校書號曰后氏
曲臺記蒼授沛人聞人通漢慶普梁人戴德及
德從兄子聖西漢世后氏二戴禮並立于學官劉向
考校經籍合一百一十四篇戴德刪其煩重為八十五
篇謂之大戴記戴聖又刪大戴之書為四十六篇謂
之小戴記漢末馬融傳小戴之學又足月令一篇明
堂位一篇樂記一篇合四十九篇而鄭玄受業於融
又為之註故今小戴記與周官六篇古經十七篇並
傳蒼故之也

杜子春

河南緱氏人通周官周官蓋周公所制官政
之法始皇見其書深惡之禁絕不傳漢時有
李氏得周官上於河間獻王獨闕冬官一篇購以千
金不得遂取考工記補成六篇奏之至成帝時黃門
郎劉歆表而出之子春受業劉歆因以教授鄉里時
鄭眾賈逵往受其業二子著周禮解後馬融作周官
傳以授鄭玄玄作周官註皆祖子春云唐時從祀宋
封緱氏伯

王通

字仲淹龍門人世以儒顯受書于東海李育學于
平霍汲考易族父仲華不解衣者六年乃續詩書正
禮樂修元經讚易道九年而六經大就教于河汾西
遊長安奏太平十二策帝大悅下其議於公卿公卿
不悅時將有肅廢之舉仲淹知謀之不用也作東征
之歌而歸累徵不起僕射楊素甚重之勸之仕仲淹
曰通有先人之敝廬足以庇風雨薄田足以具糗粥
讀書談道足以自樂願明公正身以治天下使時和
年豐通也受賜多矣不願仕也大業末卒于家門人
謚曰文中子又收其議論分為六部號曰王氏六經
國朝嘉靖九年從祀

韓愈

字退之脩民人後魏安定桓士茂七代孫也盡
通六經百家學舉進士第歷官刑部侍郎以諫
佛骨貶潮州刺史至潮問民疾苦皆曰惡溪有鱷魚
食民畜產且盡民以是窮乃為文視之是夕暴風震
雷起溪中數日水盡涸西徙六十里自是潮無鱷魚
患表人以男女為隸過期不贖則沒入之退之至悉

討備得贖所沒歸之父母七百餘人轉吏部侍郎卒
 贈禮部尚書謚曰文有原道原性師說等篇皆與衍
 宏深與孟子相表裏以佐佑六經昔孟子距楊墨去
 孔子纜二百年退之排佛老二家乃去千餘歲撥衰
 反正功與齊而力倍之自退之沒其言大行學者仰
 之如泰山北斗云宋神宗元豐七年從祀封昌黎伯
 胡瑗字翼之海陵人門人稱爲安定先生甫七歲善
 異之與其父言曰後當爲國家偉器往泰山與孫明
 復石守道三人同讀書十年不歸范仲淹薦于朝以
 布衣對崇政殿除湖州教授倡明道學一新故習創
 名齋署曰經義者所以經乎仁義禮樂彛倫之義明
 其體也曰治事者所以治乎水利兵農算數之事適
 其用也擢待講留主太學士出其門者凡數千禮部
 歲所得十翼之弟子十常居四五自河汾以後能立
 師道成就人才者必以翼之爲首稱焉卒謚文昭
 國朝嘉靖九年從祀

周敦頤

字茂叔世居道州營道縣濂溪之上嘗著太
 極圖明天理之根源究萬物之始終又著通
 書四篇發明太極之蘊爲南安司理時通判程珦
 與語知其學道也因與爲友使二子顥頤往受業焉
 茂叔每令尋孔顏樂處所樂何事二程之學源流乎
 此矣說者謂其得孔孟之本源大有功于學者寧宗
 嘉定十二年賜謚曰元理宗淳祐元年封汝南伯從
 祀元至順中加封道國公

程顥

字伯淳河南人太中大夫珦之子也生而神氣
 秀爽十歲能詩賦嘉祐二年進士及第凡居官
 坐處皆書視民如傷四字常曰顥常愧四字召爲宗
 正寺丞未行以疾終享年五十有四先生自十五六
 時聞周茂叔論道遂厭科舉之業慨然有求道之志
 未知其要及濫於諸家出入於老釋者幾十年返求
 諸六經而後得之明于庶物察于人倫知盡性至命
 必本于孝悌窮神知化由通于禮樂辯異端似是之
 非開百代未明之惑秦漢而下未有臻斯理也謂孟
 子沒而聖學不傳以興起斯文爲已任辨異端闢邪

說使聖人之道燦然復明于世蓋自孟子之後一人而已先生之死士大夫識與不識莫不哀傷焉葬伊川祖塋文彥博采衆論題其墓曰明道先生寧宗嘉定十三年賜謚曰純理宗淳祐元年封河南伯從祀元文宗至順二年加封豫國公

歐陽脩

字永叔廬陵人幼敏悟過人讀書輒成誦舉進士第甲科宋興且百年而文章體裁猶仍

五季餘習未叔遊隨州得唐韓愈遺稿于廢書篋中讀而心慕焉苦志探賸至忘寢食從尹洙游爲古文議論當世事迭相師友與梅堯臣游爲歌詩相倡和遂以文章名冠天下入朝爲館閣校勘慶曆三年知諫院乃爲朋黨論帝獨獎其敢言面賜五品服顧侍臣曰如歐陽脩者何處得來五年拜樞密副使六年參知政事熙寧四年以太子少師致任五年卒于汝陰贈太子太師謚文忠葬于新鄭旌賢鄉蘇轍爲神道碑嘗謂漢之文涉晉魏而弊至唐韓愈氏振起之唐之文涉五季而弊至宋歐陽又振起之挽百川之

頽波息千古之邪說羽翼大道扶持人心此兩人之力也 國朝嘉靖九年從祀

邵雍

字堯夫河南人少時自雄其才慷慨欲樹功名於書無所不讀北海李之才聞堯夫好學嘗造

其廬授以河圖洛書必義八卦卦六十四卦圖堯夫探賸索隱妙悟神契多所自得者初至洛蓬華環堵不庇風雨富弼司馬光呂公著諸賢退居洛中雅敬堯夫恒相從游爲市園宅名其居曰安樂窩人無貴賤少長一接以誠故賢者悅其德不賢者服其化忠厚之風聞于天下仁宗嘉祐間詔舉遺逸留守王拱辰以堯夫應詔堯夫初復求逸士中丞呂誨等復薦之堯夫稱疾不之官程顥初侍其父識堯夫退而嘆曰堯夫內聖外王之學也又曰堯夫知慮絕人遇事能前知其心虛明自能知之所著書曰皇極經世觀物內外篇漁樵問對擊壤集贈秘書省著作郎哲宗元祐中賜謚康節度宗咸淳三年從祀追封新安伯

張載

字子厚世居大梁父迪知涪州卒諸孤幼不克歸僑寓于郿縣橫渠鎮之南大振谷口因家焉

子厚少喜談兵至欲結客取洮西之地以書謁范仲淹一見知其遠器乃警之曰儒者自有名教可樂何事於兵因勸其讀中庸一夕與二程語道學之要然自信曰吾道自足何事旁求於是盡棄異學而學焉嘉祐二年登進士第蒞官以敦本善俗為先熙寧九年感異夢忽以書屬門人乃出所撰正蒙出示門人又作西銘又謂春秋之為書在古無有乃聖人所自作惟孟子為能知之非理明義精殆未可學游酢讀西銘渙然不逆于心曰此中庸之理也呂大防薦之乃詔知太常禮院與有司議禮不合復以疾歸行次臨潼疾甚沐浴更衣而寢旦而卒年五十有八貧無以斂門人共買棺奉其喪還葬于涪州墓之南世稱為橫渠先生寧宗嘉定十二年謚曰明淳祐元年追封郟伯從祀

司馬光

字君實夏縣涑水鄉人也生七歲聞講左氏春秋愛之退為家人講即了其大指自是手不釋書仁宗寶元初中進士甲科累官尚書左僕射兼門下侍郎病革不復事覺諄諄如夢中語然皆朝

廷天下事也薨年六十八太皇太后聞之慟與帝親臨其喪贈太師追封溫國公謚曰文正賜碑曰忠清粹德嘗自言吾無過人者但平生所為未嘗有不可對人言者耳誠心自然天下敬信陝洛間皆化其德性不喜釋老曰其微言不能出吾書其誕吾不信也有文集八十卷資治通鑑三百二十四卷歷年圖七卷稽古錄二十卷本朝百官公卿表六卷註古文孝經一卷易說三卷註繫辭二卷大學中庸義一卷餘不具載其文如金玉穀帛藥石也必有適于用無益之文未嘗一語及之高宗建炎中配享哲宗廟庭度宗咸淳三年從祀

程頤

字正叔明道先生之弟也幼有高識非禮不動因答曰學以至聖人之道也瑗大驚異舉進士廷試報罷遂不復試英宗神宗朝大臣屢薦皆不起哲宗嗣位司馬光呂公著共疏其行義曰伏見河南府處士程頤力學好古安貧守節言必忠信動遵禮法年

踰五十不求仕進真儒者之高蹈聖世之逸民望擢以不次使主類有所矜式詔以為西京國子監教授九辭元祐元年召對擢崇政殿說書在經筵每進講日必宿齋豫戒潛思存誠冀以感動上意崇寧五年致仕時易傳成書已久寢疾始以授尹焞張繹卒年七十五世稱為伊川先生先生於書無所不讀其學一本於誠以大學語孟中庸為標指而達於六經動止語默一以聖人為師其不至乎聖人不止也張載稱其兄弟得道孟不傳之學以為諸儒倡寧宗嘉定十二年賜諡曰正理宗淳祐元年封伊陽伯從祀元文宗至順二年加封洛國公

楊時

字中立將樂人熙寧九年進士第時河南程頤與弟頤講孔孟絕學于熙豐之際河洛之士翕然師之時調官不赴以師禮見頤於穎昌相得甚懽其歸也頤送之曰吾道南矣顯卒又見程頤於洛時頤偶瞑坐時與游酢侍立不去既覺則門外雪深一尺矣杜門不仕者十年久之歷知三縣皆有惠政

張舜民在諫垣薦之得荆州教授德望日重四方之士不遠千里從之游號曰龜山先生已而告老以龍圖閣直學士致仕優游林泉以著書講學為事所著三經義辨推本孟子性善之說發明大學中庸之道有欲知方者為指其攸趣無所隱也浮沈州縣四十有七年晚居諫省僅九十日凡所論列皆切于世道而其大者則闢王氏排和議論三鎮不可棄云

胡安國

字康侯崇安人紹聖四年進士第初廷試注聽稱善者數四親擢為第二授太學博士不足不躡權貴五年除徽猷閣待制初王安石廢春秋不列于學官安國謂先聖手所筆削之書乃使人主不得聞講說學士不得相傳習亂倫滅理用夏變夷殆由乎此於是潛心刻意游泐沈酣者二十年及得伊川所傳其間精義數條若合符節益以自信年六十一而書始就凡三十卷高宗謂深得聖人之旨進寶文閣直學士以紹興八年卒詔贈四官賜田十頃恤其

孤謚曰文定蓋非常格也公傳道伊洛志在春秋著書立言格君垂後所以明天理正人心扶綱敘九法者深切著明體用該貫而其正色危言據經論事剛大正直之氣無愧于古人

國朝正統元年從祀成化三年追封建寧伯

朱熹

字元晦宋司勳吏部郎松之子也世為徽之婺源人居紫陽山下幼穎悟莊重甫能言父指示

之曰天也元晦問曰天之上何物父異之就傳授以孝經一閱題其上曰不若是非人也嘗從群兒戲沙上獨端坐以指畫沙視之八卦也少長厲志聖賢之學年十八舉建州鄉貢中紹興十八年進士第自筮仕以至屬纊五十年間歷事四朝仕於外者僅九考立於朝者四十日道之難行也如此然紹道統立人極為萬世宗師則不以用舍為加損也謂聖賢道統之傳散在方冊聖經之旨不明則道統之傳始晦於是竭其精力以研窮聖賢之經訓於大學中庸則補其缺遺別其次序綱領條目燦然復明於論語孟子

則深原當時答問之意使讀而味之者如親見聖賢而面命之於易於詩則求其本義攻其未失深得古人遺意於數千載之上於書則疑今文之艱澀反不若古文之平易於春秋則疑聖心之正大決不類傳注之穿鑿於禮則病王安石廢罷儀禮而傳記獨存於樂則憫後世律尺既亡而清濁無據若歷代史記則又考論西周以來至於五代取司馬公編年之書繩以春秋紀事之法綱舉而不繁目張而不紊國家之理亂君臣之得失如指諸掌周程張邵之書所以繼孔子孟道德之傳歷時未久微言大義鬱而不彰先生為之哀集發明而後得以盛行於世太極先天二圖精微廣博不可涯涘為之解剝條劃而後天地本源聖賢蘊奧不至泯滅所著書有易本義起蒙著卦考誤詩集傳大學中庸章句或問論語孟子集註太極圖通書西銘解楚辭集註辨證韓文考異所編次有論孟集議孟子指要中庸輯略孝經刊誤小學書通鑑綱目宋名臣言行錄家禮近思錄河南程氏遺書伊洛淵源錄皆行于世先生沒朝廷以其大學中

庸語孟訓說立於學官又有儀禮經傳通解未脫稿亦在學官平生為文凡一百卷生徒問答凡八十卷別錄十卷黃翰曰道之正統待入而後傳自周以來任傳道之責者不過數人而能使斯道章章較著者一二二人而止耳孔子而後曾子子思得其微至孟子子而始著由孟子而後周程張子繼其絕至先生而始著識者以為知言嘉泰初學禁稍弛元勝已致仕除華文閣待制與致仕恩澤嘉定中詔賜遺表恩澤謚曰文尋贈中大夫特贈寶謨閣直學士寶慶二年贈太師追封信國公紹定三年改封徽國公淳祐元年從祀元順宗至正二十二年改封齊國公

張栻

字敬夫綿竹人魏國忠獻公浚子也自幼學所得馬五峰稱之曰聖門有人矣敬夫益自奮厲以古聖賢自期作希顏錄以應補承務郎紹興間忠獻出督奏敬夫充機宜以軍事入見上異之除直秘閣五

年除秘閣修撰荆湖北路轉運副使改知江陵府安撫本路敬夫自以不得其職求去詔以右文殿修撰提舉武夷山冲佑觀病且死猶手疏勸上親君子遠小人信任防一己之偏好惡公天下之理天下傳誦之敬夫為人坦蕩明白表裏洞然諸理既精信道又篤其樂于聞道而勇于徙義則又奮勵明失無毫髮滯吝意故其德日新業日廣所著論語孟子說太極圖說洙泗言仁諸葛武侯傳經世紀年行於世學者稱為南軒先生寧宗嘉泰八年賜謚宣理宗景定二年從祀

陸九淵

字子靜金谿人年四歲問其父曰天地何所窮際父笑而不答遂深思至忘寢食他日讀古書至宇宙解者曰上下四方曰宇往古來今曰宙忽大省曰宇宙事乃已分內事已分內事乃宇宙內事登乾道八年進士第累官知荆門軍嘗與王順伯論儒釋書曰儒者雖至無聲無臭無方無體皆主于經世釋氏雖盡未來際普度之皆主于出世或勸子靜著書曰六經著我我著六經又曰學苟知道六

經皆我著脚一日語所親曰先教授兄有志天下竟不得施以沒吾今將死矣又告僚屬曰某將告終會禮雪明日雪迺沐浴更衣端坐後二日卒葬于延福鄉朱陂之下會葬者以千數謚文安有詩文語錄傳于世

國朝嘉靖九年從祀

呂祖謙

字伯恭宋人其先萊人祖好問隨高宗南渡始居婺州伯恭自四世祖希哲從程頤游以

儒行名于世故其家子孫有中原文獻之傳舉隆興元年進士除太學博士累官著作郎兼國史院編修官以疾請祠歸卒朱子書其墓石曰東萊先生之墓伯恭學以關洛為宗而旁稽載籍不見涯涘心平氣和不立崖異一時英偉卓犖之士皆歸心焉一日誦孔子言躬自厚而薄責於人忽覺平時忿憤渙然冰釋朱熹嘗言學如伯恭方是能變化氣質其所講盡將以開物成務既臥病而任重道遠之意不衰居家之政皆可為後世法修讀詩記大事記皆未成書考定古周易書說閩範官箴辨志錄歐陽公本末比首行

于世寧宗嘉泰八年賜謚成理宗嘉熙二年改謚忠亮景定二年追封開封伯從祀

蔡沉

字仲默建陽人西山元定之子也少從朱元晦游元晦晚欲著書傳未及為遂以屬仲默洪範

之數學者又失其傳西山獨心得之然未及論者曰成吾書者沉也仲默受父師之托沉潛反覆者數十年然後成書傳及洪範皇極內篇往往有先儒所未及者年僅三十屏去舉子業一以聖賢為師隱居九峰當世名卿物色將薦用之仲默不屑就李士英曰仲默平居仰觀俯察默坐終晷瞭然有見于天地之心萬物之情反求諸躬眾理具備信前聖之言不欺欺也世稱九峰先生

國朝正統元年從祀初謚文正成化二年追封崇安伯

真德秀

字景元浦城人四歲受書過目成誦登寧宗

慶元五年進士第歷知大郡惠政異舉其知泉州也迎者塞路深村百歲老人亦扶杖而出城中歡聲動地召為戶部尚書入見上迎謂曰卿去國十

年每切思賢乃以大學衍義進復陳祈天未命之說
謂敬者德之聚儀狄之酒南威之色盤遊戈射之娛
禽獸狗馬之玩有三于茲皆足害敬上欣然嘉納改
翰林學士知制誥時政多所論建逾年拜叅知政事
三乞辭祿上不得已進資政殿學士提舉萬壽觀兼
侍讀疾亟冠帶趨坐卒上震悼輟朝思之不置贈銀
青光祿大夫謚文忠世稱西山先生希元之學以朱
文公為宗慨然以斯文自任黨禁既開而正學遂明
於天下後世多其力也所著西山甲乙稿對越甲乙
集經筵講義端平廟議獻忠集江東林荒錄清源雜
志星沙集志文章正宗唐書考疑心經政經等書行
于世今浦城縣南孝弟里有希元墓
國朝正統元年從祀成化三年追封浦城伯

許衡

字仲平河內人七歲入學授章句問曰讀書何
為師曰取科第耳曰如斯而已乎師大奇之聞
姚樞以道學自任乃請蘇門見之樞授以伊川易傳
晦菴四書集註或問及小學書仲平讀之默契于中

遂手寫而還謂學者曰昔所授受殊孟浪也今始聞
進學之序悉取向來簡帙焚之教人無小大皆自小
學入元憲宗四年世宗出王秦中召為京兆提學時
秦人新脫于兵欲學無師聞仲平來莫不喜幸郡縣
皆建學民大化之至元八年召為集賢大學士兼國
子祭酒久之諸生尊師敬業下至童子亦知二綱五
常為生人之道皆能自立為世用矣史臣謂其設教
之方千古一見云卒年七十二語其子曰我平生虛
名所累竟不能辭官死後慎勿請謚勿立碑但書許
某之墓四字使子孫識其處足矣羅整菴曰衡始終
尊信朱子其學行皆平正篤實遭逢世祖使儒者之
道不廢可謂有功于斯文矣成宗大德二年贈司徒
謚文正武宗至大二年追封魏國公仁宗皇慶二年
詔從祀

本朝先儒列傳

薛瑄

字德溫河津人幼讀周程張朱書嘆曰此道學
正脉也舉永樂辛丑進士累官禮部左侍郎兼

學士入內閣致仕居家八年從學者日益衆每以聖賢為師倦倦以復性為教嘗曰六經四書性之一字括盡學者讀書窮理須實見得然後體而行之不然無異于買積還珠也所著有讀書錄續讀書錄河汾詩集文集行于世卒贈禮部尚書諡文清楊廉曰本朝理學自文清始弘治九年祀于鄉隆慶五年從祀

王守仁

字伯安餘姚人年十七謁婁一齋知聖學宗未第進士授刑部主事累官巡撫都御史平茶寮賊

虔吉人皆為立生祠嘉靖改元詔錄平宸濠功封新建伯兼南京兵部尚書六年征岑猛黨因平八寨臥病乞致仕行至南安卒歸葬橫溪世稱陽明先生伯安天資絕倫讀書過目成誦少喜夜工詞章好仙釋中年體驗聖學悟從天啟遂屹然以斯道為己任其學問直求諸心而其教人也以致良知為主平生著述甚富如傳習錄及文錄今盛行于世初計聞于朝忌者媒詆遂削世襲伯爵隆慶中復之贈侯謚文成萬曆十一年從祀

陳獻章

字公甫新會縣人穎悟絕人讀書一覽輒記正統十一年舉廣東鄉試聞江右吳康齋講

伊洛之學往從之游遂棄其學而學焉成化二年游太學邢祭酒讓試和楊龜山此日不再得詩大驚服名動京師五年復上禮部不第遂歸隱白沙布政使彭韶督府朱英交薦召至京師不就試懇辭乞終養特授翰林檢討學者稱為白沙先生嘗曰吾年二十七始發憤從吳聘君學於古聖賢書無所不講然未始入處比歸白沙杜門不出專求所以用力之方而卒未得所謂未得者謂此心與此理未有融洽處也於是舍其繁而求之約惟在靜坐久之然後見吾心體隱然呈露始渙然自信曰作聖之功其在茲乎薛侃曰獻章博而約不離人倫日用而見鳶飛魚躍之機雖無著述其答人論學之書已啟聖賢之扇鑰萬曆十一年從祀

胡居仁

字叔心餘干縣人幼有大志受春秋為舉子業知無所得稍厭去之聞吳康齋講學于崇

仁里徒步往從之游以記誦詞章為不白事專用心于內其學以主忠信為本以采菘放心為要謂聖學成始成終在於敬因以敬名齋聚徒講誦詩學則曰為已語治則曰王道自孟子後獨推尊一程子朱子以為得其正傳他不與也所著有居業錄敬齋集楊廉曰本朝以理學為倡者薛敬軒讀書錄胡敬齋居業錄粹然一出乎正萬曆十二年從祀

啟聖祠

配享先賢四 從祀先儒四

國朝弘治元年吏部尚書王恕請立廟祀啟聖主以祀國公無繇萊蕪侯點泗水侯鯉邾國公孟孫氏配享永年伯程珦獻靖公朱松從祀禮官議不合遂已十四年侍郎魯鐸復請如前亦不合已嘉靖九年從輔臣張聰議詔兩京國子監并天下學校各建啟聖公祠祀叔梁紇題稱啟聖公孔氏之位而以顏無繇魯點孔鯉孟孫氏配程珦朱松蔡元定從祀萬曆二十二年又添入周輔成從祀

先賢顏氏

諱無繇字路家語作顏繇字季路顏子回之父也唐玄宗開元二十七年封祀伯從祀宋真宗祥符二年加封曲阜侯元順帝元統三年加封杞國公諡文裕

先賢曾氏

諱點字子皙史記點作歲子皙作曾子參之父也唐玄宗開元二十七年追封宿伯從祀宋真宗祥符二年加封萊蕪侯

先賢孔氏

諱鯉字伯魚子思子伋之父也宋徽宗崇寧元年追封泗水侯度宗咸淳三年從祀

先賢孟孫氏

諱公宜魯公族孟孫之後孟子軻之父也元仁宗延祐三年追封邾國公

程氏珦

字伯溫二程子顥頤之父也宋仁宗錄舊臣後授官知龔州累轉大中大夫封永年伯

朱氏松 字喬年朱子熹之父也歷司勳吏部郎出知饒州請祠家居元順宗至正二十一年謚獻靖二十二年追封齊國公

蔡氏元定

字季通蔡子沆之父也宋隱士嘉定二年贈迪功郎謚文節黃瑞節曰蔡氏祖孫三世一轍以上三賢俱

國朝嘉靖九年從祀啟聖祠稱先儒某氏

周氏輔成

字敦頤之父也宋桂嶺縣令累贈諫議大夫

國朝萬曆二十三年禮部覆湖廣撫按郭惟賢等本奉聖旨是周輔成准從祀啟聖祠

改祀于鄉者七人

俱嘉靖九年改詳具未嘉疏中

林放

字子仕魯人以家語史記俱不載弟子列改

蘧瑗

字伯玉衛人以夫子之所嚴事者不啻在弟子之列改一以上二人俱唐開元二十七年從祀

鄭玄

字康成東漢北海高密人

鄭眾

字仲師東漢開封人

盧植

字子幹東漢涿郡人

服虔

字子慎東漢河南滎陽人

范甯

字武子晉鄆陵人一以上五人俱唐貞觀二十一年從祀今俱以造詣未純改

罷祀者十四人

內楊雄洪武二十九年罷餘俱嘉靖九年罷詳具未嘉疏中

公伯寮

字子周魯人以季氏之黨愬子路沮夫子罷

秦冉

字開蔡人

顏何

字冉魯人一以上二人未嘉引程篁墩之議曰家語不載疑史記誤書秦罷其祀一按今議仍

當復其祀詳具孔門傳道錄

荀况

字卿周宋趙人以言性惡罷

楊雄

字子雲漢蜀郡成都人以事王莽罷一以上二

戴聖

字次君漢梁人以賊吏罷

劉向

字子政漢宗室以誦神仙方術罷

賈逵

字景伯東漢扶風平陵人以會附圖讖罷

馬融

字季長東漢扶風茂陵人以黨附勢家罷

何休

字邵公東漢任城樊人以註風角等書罷

王肅

字子雍魏東海郟人以爲司馬師畫策篡魏罷

王弼

字輔嗣魏山陽人以宗旨老莊罷

杜預

字元凱晉京兆杜陵人以建短喪罷一以上八

吳澂

字幼清元撫州崇仁人以忘宋事元罷一以上

國朝正統八年從祀

關里誌卷之三終

